

奉天省議會第四屆第三期常年會報告書

奉天省議會第四屆第三期常年會報告書目錄

開會

甲 開會儀式

乙 開會詞

丙 行政長官及各界來賓祝詞

一 省長祝詞

二 交涉署長祝詞

三 警務處長兼
保甲公所總辦祝詞

四 審判廳廳長
檢察廳檢察長祝詞

五 教育廳長祝詞

六 奉天省教育會祝詞

七 奉天省城商埠局總辦祝詞

八 奉天總商會祝詞

丁 本會答詞

議案

甲 議案成績表

一 議案總表

二 省長交議案一覽表

三 本會提議案一覽表

四 團體及人民請議案一覽表

乙 省長交議案 原案 咨文 公署咨覆

一 交議十四年度省縣保甲預算案

丙 本會提議案 咨文 原案 公署咨覆

一 劉議員啟庚等提議爲民生艱窘無力備價請免丈放昌法康黎懷遼

等縣土地以維原業而恤黔黎案 此案據提請人云請緩否

二 選議員慶春等爲建議嚴禁纏足以除惡習而重體育案

三 王議員悅安等爲提議各縣教育所長按照舊例由縣公舉三人呈廳擇委以資人地相宜而謀教育發展案

四 陳議員蔭翹等提議將民元以後各縣災棧尾欠田賦一律豁免暨水冲沙壓無着地畝並丈放王公莊地重複領照分別註銷以舒民困而恤黔黎案

丁 代咨團體及人民請議案 原案 咨文 公署咨覆

一 遼陽縣農務會長馮樹勳等請議爲人民析產契領未分納糧與管業均感不便請議代咨准分糧領以便納賦而息爭端案

二 西豐縣趙恒新請議爲已稅戶管被匪焚燬請求議決可否豁免重複稅欸以舒民累案

三 瀋陽縣張筱忱請議爲商埠局越界收地僞認日人私相餽送請依法提議而維產權案

四 遼中 王鴻志 趙世臣 等請議爲貸款悉償押品被扣銀行團無理拍賣契照

戶呈控代表懇請公議咨請發照以維產權而免訟累案

五 鳳城縣曲明允請議爲荒山課重請議決咨行省署查照有效原照規定分別辦理案

六 本溪縣教育公所所長蕭漢傑等請議爲令中日合辦煤鐵公司照納地方商捐以補助教育經費案

七 懷德縣趙鍾等請議爲日人竊佔山地違犯國際公法屢經交涉有案迄未解決懇請公議案

八 西安縣王化宣等請議省令增加畝捐懇祈公議咨請減輕擔負以舒民困案

公文函牘

甲 關於開會閉會文件

一 咨省長定於本年九月二十五日舉行第四屆第三期常年會請依法召集在籍各議員如期來會與議並請飭刊登公報俾各機關一體知照

文

二 致全體各議員如期蒞會函

三 請省長蒞會函

四 請各機關首領蒞會函

五 致交涉署轉請各國領事蒞會函

六 致各省省議會報告開會日期函

七 致各報館於本年九月二十五日舉行第四屆第三期常年會開會式

屆期蒞會參觀函

八 致交涉署請派定翻譯人員來會以便招待外賓函

九 咨省長公署爲本會第四屆第三期常年會於十一月二十八日依法

閉會請查照備案文

十 致各省省議會報告於十一月二十八日依法閉會函

十一 致奉天公報編輯處及東三省公報館於十一月二十八日依法閉

會請刊登廣告函

乙 關於議員出缺應另遞補來往函件

一 徐議員晉賢因任蒙荒總辦辭職請依法遞補文

二 咨省長爲本會徐議員晉賢因任蒙荒總辦辭職請依法遞補文

三 門議員瑞臨因病出缺請依法遞補文

四 咨省公署爲本會門議員瑞臨因病出缺請依法遞補文

五 張議員效良因任通縣知事辭職請依法遞補文

六 咨請查核本會強議員效良因任通縣知事辭職請依法遞補文

丙 關於各省來往函電

表

甲 議長議員姓名年歲籍貫表

乙 議員職務表

丙 各班常駐委員姓名表

丁 秘書廳職員一覽表

奉天省議會報告書

目

錄

奉天省議會第四屆第三期常年會報告書目錄

開會

甲 開會儀式

乙 開會詞

丙 行政長官及各界來賓祝詞

一 省長祝詞

二 交涉署長祝詞

三 警務處長兼
保甲公所總辦祝詞

四 審判廳廳長
檢察廳檢察長祝詞

五 教育廳長祝詞

六 奉天省教育會祝詞

七 奉天省城商埠局總辦祝詞

八 奉天總商會祝詞

丁 本會答詞

議案

甲 議案成績表

一 議案總表

二 省長交議案一覽表

三 本會提議案一覽表

四 團體及人民請議案一覽表

乙 省長交議案 原案 咨文 公署咨覆

一 交議十四年度省縣保甲預算案

丙 本會提議案 咨文 原案 公署咨覆

一 劉議員啟庚等提議爲民生艱窘無力備價請免丈放昌法康黎懷遼

等縣土地以維原業而恤黔黎案 此案據提議人云請緩咨

二 遲議員慶春等爲建議嚴禁纏足以除惡習而重體育案

三 王議員悅安等爲提議各縣教育所長援照舊例由縣公舉三人呈廳擇委以資人地相宜而謀教育發展案

四 陳議員蔭翹等提議將民元以後各縣災祲尾欠田賦一律豁免暨水冲沙壓無着地畝並丈放王公莊地重複領照分別註銷以舒民困而恤黔黎案

丁 代咨團體及人民請議案 原案 咨文 公署咨覆

一 遼陽縣農務會長馮樹勳等請議爲人民析產契領未分納糧與管業均感不便請議代咨准分糧領以便納賦而息爭端案

二 西豐縣趙恒新請議爲已稅戶管被匪焚燬請求議決可否豁免重複稅欸以舒民累案

三 瀋陽縣張筱忱請議爲商埠局越界收地僞認日人私相餽送請依法

提議而維產權案

四

遼中
台安 縣 王鴻志
趙世臣

等請議爲貸欸悉償押品被扣銀行團無理拍賣契照

戶呈控代表懇請公議咨請發照以維產權而免訟累案

五 鳳城縣曲明允請議爲荒山課重請議決咨行省署查照有效原照規

定分別辦理案

六 本溪縣教育公所所長蕭漢傑等請議爲令中日合辦煤鐵公司照納

地方商捐以補助教育經費案

七 懷德縣趙鍾等請議爲日人霸佔山地違犯國際公法屢經交涉有案

迄未解決懇請公議案

八 西安縣王化宣等請議省令增加畝捐懇祈公議咨請減輕擔負以舒

民困案

公文函牘

甲 關於開會閉會文件

一 咨省長定於本年九月二十五日舉行第四屆第三期常年會請依法召集在籍各議員如期來會與議並請飭刊登公報俾各機關一體知照

文

二 致全體各議員如期蒞會函

三 請省長蒞會函

四 請各機關首領蒞會函

五 致交涉署轉請各國領事蒞會函

六 致各省省議會議會報告開會日期函

七 致各報館於本年九月二十五日舉行第四屆第三期常年會開會式

屆期蒞會參觀函

八 致交涉署請派定翻譯人員來會以便招待外賓函

九 咨省長公署爲本會第四屆第三期常年會於十一月二十八日依法

閉會請查照備案文

十 致各省省議會報告於十一月二十八日依法閉會函

十一 致奉天公報編輯處及東三省公報館於十一月二十八日依法閉

會請刊登廣告函

乙 關於議員出缺應另遞補來往函件

一 徐議員晉賢因任蒙荒總辦辭職請依法遞補文

二 咨省長爲本會徐議員晉賢因任蒙荒總辦辭職請依法遞補文

三 門議員瑞臨因病出缺請依法遞補文

四 咨省公署爲本會門議員瑞臨因病出缺請依法遞補文

五 張議員效良因任通縣知事辭職請依法遞補文

六 咨省署爲本會張議員效良因任通縣知事辭職請依法遞補文
丙 關於各省來往函電

表

甲 議長議員姓名年歲籍貫表

乙 議員職務表

丙 各班常駐委員姓名表

丁 秘書廳職員一覽表

奉天省議會報告書

目

錄

奉天省議會第四屆第三期常年會報告書

甲開會

開會儀式

- 一 午前十一時各議員入議場就席
- 二 招待員引省長及各行政長官並各界來賓入議場就席
- 三 贊禮員報告去向國旗行三鞠躬禮在議場人員咸行禮如儀
- 四 主席宣告開會並致開會詞
- 五 省長及各行政長官政祝詞
- 六 各界來賓致祝詞
- 七 本會答詞
- 八 攝影
- 九 宣告退席

十 茶會

乙 開會詞

維中華民國十五年九月二十五日爲本會第四屆第三期開幕之辰蒙省長及各行政長官並各界來賓聯翩蒞止共襄盛典同人等曷勝榮幸之至惟是本屆會期轉瞬已逾二年所餘常會只此一度我奉省仰託

大帥之神威外則聯吳遂馮赤禍潛消內則整頓金融圖法漸平此實我奉省人民所極可慶幸者也所可慮者南方北侵吳方敗北時局變幻莫可預測我會當茲之時適開常會前途責任所負綦重同人等材力綿薄籌議或慮不周深願我省

各行政長官及各界士紳與地方父老兄弟等時加勗勉錫我南針俾得有所遵循免貽覆餗之譏以上副我

大帥與

省長等望治之心下以慰我地方人民選舉之意則 同人等所忻禱焉

丙 行政長官及各界來賓祝詞

一省長祝詞

今日爲貴會第四屆第三期常年會開幕之辰德惠躬逢盛會不勝榮幸謹爲祝詞詞曰

猗歟貴會偉矣羣公宣譚通議讜論是宏補我未能匡我未逮相提於携肯於斯賴閔山高聳遼水常流共謀不朽各盡其猷

奉天省長莫德惠祝

二 今日爲

貴會第四屆第三期常年開會之期 德惠 獲賂盛儀不勝榮幸之至茲特敬

鄙藉申祝悃詞曰

貴會成立一紀於茲欣逢盛典得瞻光儀濟濟諸君志篤匡時宏謨遠略持顛

扶危細大不舍遐邇無遺有裨於民靡不盡詞惠攝省政端賴箴規每聆讜論
輒協心期韋弦式佩獻替堪資謹摠蕪藻聊表欽遲

代省長莫德惠敬祝

三 交涉署長祝詞

今日爲貴會第四屆第三期常年會開會之期 鄙人 備承

簡召榮幸何如竊維

貴會爲監督地方行政機關年來吾奉庶政咸興無非貴會諸先生之提綱挈
領有以致之從此循序進行立躋富強拭目可待 鄙人 適因公赴連未獲躬與
盛典抱歉良深茲特派 敝 署科長陳慶雲代表致賀敬祝

貴會萬歲

諸先生健康

東三省交涉總署署長 高平和
外交部特派奉天交涉員

四

奉天全省

警務處長 祝詞
兼保甲公所總辦

今日為吾奉省議會第四屆第三期常年開會之期 敬人 幸逢

盛典謹致祝詞

民有軌物國有憲章納民防國議會暨員遼東三省奉執樞綱左齊右楚虎視
應揚豈惟政美亦必兵強察前誌後弊重周詳倘失其紀而烈風狂貴在立法
始未有常堅以持志忍以扶傷勇若迅雷明若秋陽萬民所望邦家之光今聞
不已肅祿爾康

全省警務處長兼保甲公所總辦陳奉璋謹祝

五

高等

審判廳廳長 祝詞
檢察廳檢察長

奉天省議會第四屆第三期常年會開會祝詞

猗歟貴會濟濟羣公輿論所寄民望所宗一堂萃止建議雍容碩謀讜論足慰

囑囑

奉天高等審判廳廳長單豫升
檢察廳檢察長趙梯青
敬祝

六 奉天教育廳祝詞

奉天省議會第四屆第三期常年會開會祝詞

猗歟盛典 客止趨踰 發言盈庭 喜惠梓鄉 導揚民志 不振國常

維綱維紀 法制輝煌 興利剔弊 東省厥昌 推隆至道 函夏用康

基業萬禩 稽式諸邦 允矣君子 謀猷畢臧 憲政日宏 澤被無疆

如月之恆 如日之光

奉天教育廳長祁彥樹祝

七 奉天省教育會副會長祝詞

民國十五年九月二十五日為奉天省議會舉行第四屆第三期常會開會

式象庚謹代表奉天省教育會同人敬為之祝曰

懿維甘紀 輿論宜宣 偉哉

貴會 實司其權 民情以達 邦基以安 煌煌衆彥 濟濟羣賢 職

職重道鐸 不息仔肩 茲逢盛典 士庶騰歡 敬伸嵩祝 於萬斯年

奉天省教育會副會長李象庚拜祝

八 奉天省城商埠局總辦祝詞

奉天省議會開會祝詞

羣賢畢至 擅勝詞壇 正言無阿 名論不刊 手障百川 力挽狂瀾

宣達民意 遐邇騰歡

奉天省城商埠局總辦劉效琨拜祝

九 奉天總商會祝詞

中華民國十五年九月二十五日奉天省議會舉行第三次常會式 啟人 躬逢

盛會謹代表奉天總商會爲詞以祝之曰

月逢端正 大啟議場 萬姓代表 濟濟鏘鏘 宏猷崇議 意美法良
無偏無黨 克柔克剛 政治是輔 民權斯張 忝居閭閻 領袖工商
會瞻新幕 忻頌靡量

劉繼仲

奉天總商會代表丁廣支謹祝

盧景對

丁 本會答詞

本日開會辱蒙

省長代表暨文武長官各界來賓聯翩蒞止

寵錫祝詞獎借備至屬望彌殷名逾乎實慙悚曷似四屆瞬逾二年仍然毫無
建树維對於交議請議各案殫精研討務期上符

省長望治之苦衷下遂人民思治之美意第利未能盡革對內對外所應建白

者尤多材力不逮敷衍塞責夙夜自思疾尤甚尙載我
官紳各界邦人君子共抒偉略錫以南針同展嘉謨利澤東省此則同仁等所
殷殷盼禱者也謹答

奉天省議會第四屆第二期常年會交議案成績一覽表

可

決

省長交議十四年度省縣保甲預算案

備 計交議案可決一案

考

奉天省議會第四屆第三期常年會提議案成績一覽表

可

決

劉議員啟庚等提議爲民生艱窘無力備價請免丈放昌法康梨懷遠等縣土地以維原業而恤黔黎案此案據提議人云暫請緩咨

遲議員慶春等爲建議嚴禁纏足以除惡習而重體育案

王議員悅安等爲提議各縣教育所長按照舊例由縣公舉三人呈廳擇委以資人地相宜而謀教育發展案

陳議員蔭翹等提議將民元以後各縣災棧尾欠田賦一律豁免暨一水冲沙歷無着地畝並丈放王公莊地重複領照分別註銷以舒民困而恤黔黎案

備

計提議案可決四案

考

奉天省議會第四屆第三期常年會請議案成績一覽表

可

決

遼陽縣農務會長馮樹等勸請議爲人民析產契領未分納糧與管業均感不便請議代咨准分糧領以便納賦而息爭端案

西豐縣趙恆新請議爲已稅戶管被匪焚燬請求議決可否豁免重複稅款以舒民累案

瀋陽縣張筱忱請議爲商埠局越界收地僞認日人私相餽送請依法提議而維產權案

遼中縣王鴻志等請議爲貸款悉償押品被扣銀行團無理拍賣契照戶呈控台安縣趙世臣代表懇請公議咨請發照以維產權而免訟累案

鳳城縣曲明允請議爲荒山課重請決咨行省署查照有效原照規定分別辦

理案

本溪縣教育公所所長蕭漢傑等請議爲令中日合辦煤鐵公司照納地方商捐以補助教育經費案

懷德縣趙鍾等請議爲日人霸佔山地違犯國際公法屢經交涉有案迄未解決懇請公議案

西安縣王化宣等請議省令增加畝捐懇祈公議咨請減輕負擔以舒民困案

備

計請議案可決八案

考

一 交議奉天省長公署咨爲送到各縣十四年度保甲預算書五十六本請

查照審議見復文

奉天省長公署爲咨行事案據財政廳呈稱案查前奉鈞署指令據保甲公所呈送十四年度各縣保甲收支預算書一案內開呈暨預算書均悉仰財政廳詳細復核迅速呈復以憑交議並先轉咨知照預算書存發此令鈔呈並預算書發計發抄呈一件預算書五十六本等因奉此當以各縣書列十四年度數目尙屬相符惟十三年度此項預算前准該公所送廳有案今查輝南洮安輯安法庫桓仁莊河義縣開原興城康平十縣其所填十三度預算數一欄核與送廳前案兩歧究竟是何情形殊難索解咨請查照覆核明確見覆等因去後茲准該公所覆稱查輝南等十縣十四年度保甲預算其書列收支各款敝公所檢查存卷底稿關於錯誤之處已經代爲更正並無不符今來咨謂該縣等所填十三度預算數一

欄與送廳前案兩岐或係呈送之預算書當時漏未照更所致應請代爲分別改正以符原案惟康平莊河兩縣預算書原改數目太多此次恐難查收茲將該縣等原書各抄二份請作正式預算並希轉呈將前送康莊兩縣預算書分別註銷俾免重複等因除將送到康莊兩縣預算書隨文呈送外理合將輝南等八縣預算內錯誤各點抄冊呈請鈞署代將原書照更交議並註銷康莊兩縣原送之書以免重複等情據此除指令外相應檢同原送預算書五十六本咨請查照分別審議見覆爲荷此咨

奉天省議會

計預算書五十六本

東三省巡閱使

兼奉天督軍
省長

張作霖

奉天財政廳廳長莫德惠代

中華民國十五年十一月十一日

奉天省議會爲咨覆事案准

貴公署交議各縣十四年度保甲預算五十六本到會請查照審議等因當於十一月二十二日正會彙總討論僉謂查各項預算須在年度之始交會議決後施行方有依據現在十四年度業已終了各該縣保甲預算縱有不宜之處若予另行變更事實上必感困難惟詳加審核各縣冊列收支欸數尙屬相符姑准成立再保甲總辦公所十四年度預算尙未交到應請連同十五年度預算迅即一併交議以免延誤此本會會議此案之結果也業經表決通過相應咨覆貴公署查照公布施行此咨

奉天省長公署

中華民國丁丑年十一月二十五日

丙本會提議案

咨文 原案 公署咨覆

二 遲議員慶存等嚴宗纏足以除惡習案

奉天省議會爲咨行事本會依省議會暫行法第十六條第九項之規定提出建議嚴禁纏足以除惡習一案當於十一月二十二日正會諮詢討論衆意僉同業經表決通過相應繕具建議理由清摺咨請

貴公署查照施行此咨

奉天省長公署

附建議清摺一扣

中華民國十五年十一月二十九日

茲將遲議員慶春等建議嚴禁纏足以除惡習一案之理由列左

查婦女纏足之惡習爲害之大不可勝言而改善之方何容稍緩夫人之一身必血脈周流身體方可發育女子自幼纏足血既不舒身多宿疾此纏足有碍於衛生其害一也諺曰根深則葉茂源暢則流長女子者國民之母也母體不强則弱種流傳遂貽東亞病夫之誚此纏足有碍於種族其害二也天生人而予以四肢

百骸既各具其形即各司其用而必於女子之足戕賊其形殘廢其用其有乖於人道也寔甚况勞工神聖男女無殊生計艱難誰應坐食此纏足有碍於生計其害三也嘗聞外人博物館中藏我國弓鞋斥爲怪物每見南滿車站之日人隨我婦女後塵效其蓮步鞦韆自貽伊戚謔笑鄰邦此纏足有傷於國體其害四也夫趨利避害人有同情纏足之有害無利人亦孰不知之一查我省各縣仍多積習相沿明知而故犯者何也豈不以無私人爲之提倡無官爲之禁止而一般人民因故家遺俗之習染男女婚姻之牽制遂積重而難返耶今雖無確切之調查然總計無故辜如就刑之稚女其骨欲斷筋欲折日夜呻吟以待救者當不止幾千萬人也國家立法以繩之纏足有害於人也何不可設法以禁之茲擬辦法數條如咨由省署切實施行則千古慘惡之陋習不難一掃而清之豈獨女子之幸亦國家種族之幸也爰依會法起出建議此本會建議此案之結果也

第一條 凡有婦女纏足各縣均即時設立天足會督促放足由縣知事負責辦

理之

第二條 各區長公所均應附設天足分會由各區長負責辦理各會有址所在地點須將各條辦法先實地施行作為模範

第三條 嚴禁纏足先以調查繼以勸辦為兩期辦理每期限三個月

第四條 凡女子在十五歲以下未纏足者不准再纏足已纏足者即須解放年在十六歲以上之女子實際不能解放者亦須着新式平底坤鞋遂漸放大

第五條 第一期開始式由各區長村長副等將各條辦法傳知各戶務使人人知有放足之必要切實遵行並分別調查某家十五歲以下之女子纏足者若干將年齡人數切實列冊註明交天足會存查

第六條 第二期開始時再由各區村長等調查一次各戶是否解放亦詳為冊何列觀以進步如

第七條 第二期終了後調查仍有十五歲以下之女子經是省或已定婚姻男
家棄女家放足者均以抗違功令論處其家長以輕微罰金爲天是會
之開銷

第八條 凡區村長職役員及地方各機關人員均須加入天是會爲會員分擔
調查勸辦責任並須以身作則

第九條 如家長權力不能施行於婦人女子之間由調查員查明確係主婦作
梗着隨時報明天是會由縣知事傳該主婦到案親加罰辦

第十條 縣知事隨時派員抽查如區村長及會員等能實心任事確有成績者
可分別給予獎勵其卓著者得呈請省長特予褒獎

建議者 遲慶春

連署者 陳蘭豐 張鑫源

謝雲年 劉百泉

孫奉璋 李毓增

那天祿

省長公署咨覆爲建議嚴禁纏足以除惡習一案茲特訂定章程一份由縣

令行各村長查照文

奉天省長公署爲咨覆事案准

貴會咨爲建議嚴禁婦女纏足以除惡習一案繕具建議清摺請查照施行等因查婦女纏足有碍衛生弱種族妨生計種種流弊久爲社會所公認自應從嚴取締俾舊染汚俗咸與維新惟此事應責成縣知事轉飭區長村長副兼辦以利進行茲特定章程九條由縣佈告除分行外相應檢同章程咨覆

貴會請煩查照此咨

奉天省議會

計咨送章程一份

東三省巡閱使 奉天督軍 張作霖
兼 省 長

奉天財政廳廳長 莫德惠代

中 華 民 國 十 五 年 十 二 月 十 五 日

取締婦女纏足章程

一、二十歲以下之婦女已經纏足者限於民國十六年底一律解放如有不遵科以奉小洋三十元以下之罰金

二、各縣屬境二十歲以下纏足婦女若干責成區長督飭村長副或街長限三個月內按戶調查明晰將姓名造冊報縣備案俟民國十六年底由縣派員按戶按名查明是否一律解放註冊呈核並將被罰姓名及數目呈報省署

三、二十歲以上之婦女纏足已久筋骨損傷不易解放者應着平底坤鞋逐漸放大的不准仍着弓鞋違者罰金同第一條

四、鞋舖不准賣纏足弓鞋街市工人不准賣纏足所用弓鞋木底違者除沒收外並從重科罰

五、纏足婦女若因家長或夫婿不許解放者並將其家長夫婿各處三十元以下之罰金

六、婦女被罰後如逾一年仍不悛改一經查明應再科罰悛改爲止

七、區長村長副或街長勸導不力轄境內仍有違令之纏足婦女經調查區村人員查明應於呈送區村記錄冊時請予記過如有故意騷擾及格外勒索事情並應酌量懲處

八、所得罰款一律解縣補助女子^學經費

九、本章程於民國十六年一月施行

三王議員悅安等提議各縣教育所長援照舊例由縣公舉三人呈廳擇委以資人地相宜而謀教育發展案

奉天省議會爲咨行事 本省依省議會暫行法第十六條第九項之規定提出建議各縣教育所長按照舊例由縣公舉三人呈廳擇委以資人地相宜而教謀育發展一案當於十一月二十四日正會會議衆意僉同業經表決通過相應繕具建議清摺咨請

貴公署查照公布施行此咨

奉天省長公署

附建議清摺一扣

中華民國十五年十一月二十九日

茲將王議員悅安等提議各縣教育所長按照舊例由縣公舉三人呈廳擇委以資人地相宜而謀教育發展一案之理由列左

查教育所長職繁任重非熟悉地方情形難謀教育發展從前規定教育所長一席准由縣公舉地方人三名送廳擇委法至良而意美也迨近年以來每逢所長

缺出由廳直接委派儼若改土歸流迴避本籍以權限言固屬統一以事實言殊鮮效果並非由廳逕委之所長不盡職也蓋一縣有一縣之地方情形一縣有一縣之教育沿革人地稍一生疏事體難免隔閡故爲教育所長者或因窒碍而心灰或因歧視而氣短自不能不敷衍了事而存五日京兆之心教育前途尙堪問乎若以地方人而辦理地方教育既免扞格尤覺融洽通力合作事半功倍則教育事業有不日見起色者乎然則與其楚材晉用何如楚材楚用與其自外生成何如本地風光兩兩相較得失判然悅安等濫竽學界多年洞悉其中利弊此本會提議此案之理由也

提 議 人 王 悅 安

陳 蔭 翹

高 鳳 文

張 國 棟

彭海樓

習文華

張孝友

趙雨時

謝雲年

省長公署咨覆爲建議各縣教育所長由縣公舉一案所謂迴避本籍殊爲

悞會文

奉天省長公署爲咨覆事案查前准

貴會咨爲建議縣教育所長由縣公舉三人呈廳擇委一案當經令飭教育廳核議去後茲據該廳復稱案奉鈞署第三零四號訓令內開案准省議會咨開本會依省議會暫行法第十六條第九項之規定提出建議各縣教育所長按照舊例由縣公舉三人呈廳擇委以資人地相宜而謀教育發展一案當於十一月二四

日正會會議衆議僉同業經表決通過相應繕具建議清摺咨請貴公署查照公布施行等因今抄原摺令仰該廳核議具復以憑轉咨此令等因並附建議清摺下廳查所長由縣保薦三人請廳擇委係奉省初辦學時相沿之辦法嗣以行之既久流弊滋多因各縣知事平素與地方士紳不無接近一遇所長缺出每因豪強請託黨派把持以致保薦失人影響教育甚鉅職廳前奉鈞署令以辦學人員不應限於本籍當於民國十二年擬定縣教育公所規程十五條呈奉鈞署核准通行在案其第四條內載縣教育公所所長由教育廳直接委任呈報省長公署及教育部備案前項教育公所所長之委任不以本縣人爲限等語施行以來舉凡其縣有公正適宜人員又無黨派之爭者所長一職率委本縣人充之否則即外縣人充之因地制宜因材器使該會謂儼若改土歸流迴避本籍殊屬誤會所有遵核省議會建議縣教育公所所長由縣公舉三人請廳擇委一案緣由理合具文呈請鑒核等情前來相應咨復

貴會查照此咨

奉天省議會

東三省巡閱使

奉天督軍
兼省長

張作霖

財政廳廳長 莫德惠代

民國十六年一月十五日

四 陳議員蔭翹等提議將民元以後各縣災祲尾欠田賦一律豁免暨水冲沙壓無着地畝並丈放王公莊地重複領照分別註銷以舒民困而恤黔黎案奉天省議會爲咨行事本會依省議會暫行法第十六條第九項之規定建議將民元以後各縣災祲尾欠田賦一律豁免及水冲沙壓無着地畝並丈放王公莊地重複領照分別註銷以舒民困一案當於十一月二十六日正會會議衆議僉同業經表決通過相應繕具建議清摺咨請

貴公署請煩查照公布施行此咨

奉天省長公署

附建議清摺一扣

中華民國十五年十二月 四 日

茲將陳議員蔭翹等提議爲請將民元以後各縣災棧尾欠出賦一律豁免暨水冲沙壓無着地畝並丈放王公莊地重複領照分別註銷以舒民困而恤黔黎一案之理由列左

爲提議事竊以輸將國課固人民應盡之職而蠲免錢糧在國家猶有成例我奉自民元以還水旱頻仍饑饉連年地方遇有災歉率多未實地勘報勘報者亦多未蠲免縣知事視田賦之徵收爲攸成之標準只能議增未便議減故被災者當勘之地而未勘報荒者應免之糧而不免加以烽火連天痛流亡之載道衷鴻徧野慨蘇息何年民間隱痛艱苦備至戶鮮蓋藏十室九空尾欠錢糧良非得已况

水冲沙壓之地多屬不毛之田或田少而糧多或有糧而無地以之補征尾欠尤將覺偏枯查財政部頒佈勘報災歉條例第一條各地遇有水旱或他項成災應尾行緩蠲緩錢糧又第十七條被災之地如係水冲沙壓致田畝不能犁復者應先該地糧額准予豁免各等語據此則本席意見擬請將民元以後各縣因災稔註欠田賦一律豁免暨水冲沙壓無着糧額分別註銷抑有進者各縣王公莊地後丈放均按新照納糧其舊有糧額率多未銷難免重複之累亦應一併分別銷以舒民困而恤黔黎此本會提議此案之理由也

提議者 陳蔭翹

連署者 李鳳陽

高鳳文

王悅安

姜文甲

彭海樓

習文華

張孝友

奉天省長公署爲咨復事案准

貴會咨爲建議民元以後各縣災侵尾欠田賦一律豁免及水冲沙壓無着地畝並丈放王公莊地重複領照分別註銷以舒民困等情當經令廳查案核議去後茲據復稱查各縣被水冲刷無着地畝向按災歉條例由縣隨時查明分報該管道尹委員會縣覆勘明確加具印結核轉照例註銷賦額又清丈局丈放王公莊地向由該局造具升科地冊送廳轉發各縣升科亦經本廳隨時指令由丈放之年起按徵糧底冊查明將舊領名賦額逐一註銷依照新額徵賦均經歷辦在案至民元以後各縣災侵尾欠田賦一層復查此項欠賦本廳迭令各縣嚴限勒催

無如拖延多年類皆狡強之戶屢催因應自爲得計倘准一律豁免不啻焚頑民
恐起效尤之端影響以入伊於胡底殊不足以重課而昭公允且財指年分亦
太寬泛碍難准其一律豁免自應由廳查考各縣情形呈請辦理以清積欠而恤
民艱奉令前因理合具文呈覆鑒核施行等情前來除指令外相應咨覆查照此
咨

省議會

東三省巡閱使

奉天督軍

張作霖

兼省長

財政廳廳長莫德惠代

中華民國十六年一月十一日

(丁)代咨團體及人民請議案

原案 咨文 公署咨覆

一遼陽縣農務會長馮樹勳等請議爲人民祈產而契領未分納糧與營業均感
不便請公議代咨准予糧領以便納賦而息爭端案

具請議書遼陽縣農會會長馮樹勳等爲人民析產而契領未分納糧與管業均感不便懇請

大會公議代咨

省長准予援案分契劈領以便納糧管業而息爭端事竊查一戶分數戶一家析爲數家近今以來事所恆有惟產業雖分而契領未劈以致持領者從中把持有契者居爲奇貨因一人無款納課羣戶牽連積欠田賦迄未易清因一人持契私押羣戶隨之受累訟端由是而起查民國三年頒行新契紙准予隨便劈領粘發新契產業權限爲之一清民間爭訟亦爲減少法至善也遼陽幅曠遼瀾地廣人稠分居析產之家歷年不可勝數自停辦劈領粘契以後田賦之封納多遲人民訟端屢起蓋由析產而不能劈領分契所致財政廳前令停止劈領粘發新契之令揆其用意蓋防人民同姓買賣房地藉勢影射希圖省稅等弊此令行數年實於民間大有不便會長等以爲將來如實行劈領粘契當以該各戶分單爲憑無

分單圖不予照准流弊日無自而生且聞鄰縣勞領粘發新契等事尙有照舊奉行永未停止者同係因以未便歧視爲此備具意見書請求
貴會付衆公決據情轉咨實爲公便謹請

奉天省議會

遼陽縣農務會

正會長 馮樹勳
副會長 劉 桐

中 華 民 國 十 五 年 五 月 日

奉天省議會爲咨行事 本會依省議會暫行法第十六條第八項之規定受理遼陽縣農務會長馮樹勳等請議爲人民析產契領未分納糧契管業均感不便請求代咨准分勞契領一案爰於十五年十月二十八日正會提出討論僉謂查來書所稱人民析產契領未分鞅轄橫生有碍管業此種困難情形各縣皆然應准代咨省署轉飭財政廳准予分勞契領免收正稅令縣遵行以期便民而杜流弊

當經表決通過相應照抄原請議書咨請

貴公署查照施行並予見覆至紉公誼此咨

奉天省長公署

計抄原請議書一件

中 華 民 國 十 正 年 十 一 月 一 日

奉天省長公署爲咨覆事前准

咨爲受理遼陽縣農務會長馮樹勳等請議人民析產契領未分納糧與管業均感不便請代咨准予分劈等情一案經表決通過請查咨施行等因當經轉令財政廳查照核議去後茲據覆查人民所領大照戶管均不動產管業之憑證省議會提議遼陽人民析產分契流弊滋多殊難照辦惟查西豐縣前以民戶修文治兄弟析產所有契照可否分劈抑或註銷舊照另發新照等情呈請到廳當經飭令由縣將修升祿等領名納課執照按支分填俾各承納所分之糧藉以各執管

業并於征糧底册及管照內分別註明備案以昭鄭重等因辦理有案查此案與前事相同自應按照辦理但須由縣切實詳查傳齊各分戶及村長人等證明確無影射方准核辦以杜弊混理合具文呈請鑒核等情前來除指令外相應咨覆

咨照此咨

奉天省議會

東三省巡閱使 奉天督軍
兼省長 張作霖

財政廳廳長 莫德惠代

中華民國十五年十二月四日

二西豐縣趙恆新請議爲已稅戶管被匪焚燬請求議決可否豁免重複稅款以舒民爲累案

爲請議已稅戶管被匪焚燬請求請決可否豁免重複稅款以舒困累事情因於去歲春間經中人說允民價買坐落本村夾信子處劉書堂領名江字八百三十四號中則地六十畝江字八百三十五號中則地十畝江字八百三十六號中則地一百十七畝共計地照三張作價奉票小洋一萬元同中立契三紙當於十三年六月十八日赴西豐縣行政公署遵章投稅領有戶管三紙收執管業迨去歲冬間有大股胡匪約七八百名入境因匪勢浩大被困無處逃避該匪至民家即逼索快槍民無槍應付致觸匪怒大肆搜翻當翻得地照戶管十六張一併付於皂間焚之即去因時間短促幸未灰燼檢拾殘廢照紙報由本管區公所轉請縣署補發新照以憑管業嗣奉才區長傳諭奉到縣署本年四月三十日指令對於補發戶管一項飭民邀同原賣主及原中人將焚失情形說明另立白契再行投稅方能補發等語民以買地已經稅契若因戶管焚失再令納稅又是稅又重徵况大照戶管均爲人民管業憑據大照既能補發戶管何獨不然民即赴縣署呈

請免納重稅併徵執照蒙批候請財政廳核示關於本年八月十四日傳民到署諭知奉到廳令謂民戶管被焚是不存安慎保所請免納重稅未蒙批准令民補繳契稅各款等語民以前繳納稅款六百元之多無錢再納重稅仍請轉呈豁免亦未邀准伏思輸納國稅是人民應盡之義務曷敢稍任違背但民之戶管被焚實因胡匪勢大不能抗拒之所致而全縣受災僅可保守一城不暇外出籌賑鄉村小民任其蹂躪家產常保存不慎者可比即遵令辦理不但無力繳款是稅又重徵欲復請豁免又蒙批斥不予轉呈籌思至再別無善策只得申明前情懇請查核可否提議免除重複稅款之處以舒困累實爲德便謹請

奉天省議會公鑒

中 華 民 十 四 年 月 日

請 護 人 西 豐 公 民 趙 恒 新

奉天省議會爲咨行事 本會 依省議會暫行第十六條第八項之規定受理西豐

縣趙恒新請議爲已稅戶管被匪焚燬請求議決豁免重複稅款以舒民累一案爰於十月二十八日正會提出討論僉謂我國稅率以不重徵爲原則且被焚原因與天災地變同有不可抗力之情形決非失慎可止請議擬由尙屬正當應准代咨以舒民困當經表決通過相應照抄原請議書咨幣

貴公署查照施行此咨

奉天省長公署

附抄原請議書一件

中華民國十五年十一月一日

奉天省長公署爲咨覆事前准

咨開本會依省議會暫行法第十六條第八項之規定受理西豐縣趙恒新請議爲已稅戶管被匪焚燬請求議決豁免重複稅款以舒民累一案援於十月二十八日正會提出討論僉謂我國稅率以重徵爲原則且被焚原因行天災地變同

有不可抗力之情形決非大備可具請請理由尙屬補救無及惟其時自當
經表決通過相應原抄原部證書咨請貴公著查照施行附抄原部證書一件等
因到密當經令行財政廳核議具報去後茲據覆稱查戶管一項爲不動產之憑
証人民焚燬尙係按照密頓出房稅契章程第八條之規定自應備查取具村長
地鄰人等證明切結繪具地段圖呈報具廳憑公量宣查在案並由縣將焚
失情形布告周知俟滿三個月後如無發生異議再尙原戶管同村長地鄰人等
另書自認結押補發戶管券文送廳查驗并飭備繳契稅券券月照原章以杜濫
混歷經辦理在案此次省議會提議西豐民戶趙恒新被焚戶管補發免稅與章
不合殊難照辦理合具文呈請鑒核等情據此除指令外相應咨復
貴會請煩查照此咨

省議會

東三省巡閱使 奉天督軍 張作霖
兼省長

財政廳廳長 莫德惠代

中華民國十五年十二月二十八日

三瀋陽縣張筱忱請議爲商埠局越界收地僞認日人私相餽送請依法提議而
維產權案

具書請議人張筱忱爲請議事竊

忱原有祖遺張進孝領名地一段二十四畝

除鐵路佔據外僅剩不足十畝坐落瀋陽縣城西日本站鐵路西皇姑墳處在外

國租界地及中國地之甌脫間故土名曰三不管仍歸民產此戶皆然等情相安

已久惟

忱後

此項祖產本係密業地基後因無力營業遂漸廢弛近見密業發達

復活因於去歲六月間遵照新章赴瀋陽縣公署按照原領名更換新契紙經縣

署派員查勘取據地鄰切實押結經縣署核准發給大照一張仍舊營業等情在

案本年三月間租給党玉才建蓋房四間恢復密業不意商埠局以項蕭玉寬王

茂才等出而干涉含有需索之意

被忱

不理因此捏報該局將租戶党玉才收押

並傳地主勒令押繳地照強迫追地後悅惶恐萬狀實無反抗能力只可請詢理由據稱此項民地現歸商埠局管界以內又云爲日人宮祺三桂等餽送該局之所有權又云作屠戰場公用並謂係奉省長之明令辦理衆口離奇殊多不解伏思商埠局劃界繪圖自有一定界線中外國之曠脫地三不管相安有年焉有一旦聞將此項祖產且遠隔附屬外一躍而歸商埠範圍內者此不解者一又如日人絕不違法私自處分中外之民產爲該局之增送品而該局亦未便有私相授受權此不解者二至該局所云係奉

省長命令辦理事關外人但未聞交涉司之應否經過又斷難假冒權力作欺民之大言此不解者三且如地歸官用發價可也何又勒令繳照如原被蒞廳之爭執此不解者四以上各節據該局所云件件認爲事實究竟是否合法行爲無從請命惟有

貴會爲省縣人民代表機關自得繪具圖說上書請議如蒙可決請咨

省署查照轉飭商埠局不得越界收地爲此須至請議書者謹上
奉天省議會公鑒

具請議書人張筱忱瀋陽縣人年四十五歲

中華民國十四年十一月 日

照印介紹議員

姜文甲
任毓潤 來函

查張筱忱請議案內事實理由均屬確鑿業經詳細調察明確取其四鄰切結並
瀋陽縣警察皇姑屯派出所報告書各一份送請下次正會列入議事日表此致
泃書廳鑒

介紹議員

姜文甲
任毓潤
十一月二十日

四鄰切結

具切結人劉鳳元今結得張筱忱密基十畝坐落中國鐵路西灘係濟陽縣皇姑屯警察派出所管界鐵道運車係與陸軍中隔日本附屬地與商埠局絕不毗連但此地確係民產不與商埠相干所具切結是實

劉家密 執事人 劉鳳元 左二指斗

四 隣 四合密 執事人 王 成 左二指箕

東發密 執事人 郭景濤 左二指箕

中華民國十四年十一月二十日

爲出具報告事竊據皇姑屯警察派出所管轄內有張筱忱開設詳豐密計地十畝係濟陽縣管境有戶口可証現下有貴會派員來所調查該巡捕攜回地隣往地查看實係民產並無異說會具報告是實呈報
貴會鑒核

計開四至列左

南至羊毛公司小馬路 北至四合窰劉家窰

東至道 西至東發窰即是東興窰

中華民國十四年十一月二十日 皇姑屯
派出所 巡長于厚齋呈

奉天省議會爲咨行定 本會 依省議會暫行法第十六條第八項之規定受理瀋

陽縣 張發祥 請議爲商埠局越界收地僞認日人私相餽送請咨省署轉飭該局停

止辦理以維產權一案當於十一月六日正會提出討論僉謂此案業經本會調

查事實理由均屬明確應准代咨以維產權此本會會議此案之結果也相應抄

錄原請議書咨請

貴公署請煩查照轉飭施行此咨

奉天省長公署

附抄原請議書一件

中華民國十五年十一月二十九日

奉天省長公署爲咨復事案准

貴會咨開本會依省議會暫行法第十六條第八項之規定受理瀋陽縣張筱忱請議爲商埠局越界收地僞認日人私相愧送請咨省署轉飭該局停止辦理以維產權一案當於十一日六日正會會提出討論僉謂此案業經本會調查事實理由均屬明確應准代咨以維產權此本會會議此案之結果也相應抄錄原請議書咨請貴公署請煩查照轉飭施行等因查此案前據該民逕呈到署當經本署派員查明復以該地坐落距城十里以內地方例不准升科該民証據毫無殊無從體恤惟該民自瀋陽縣領照以後曾修房補窰擬請准予價租一二年以示特別體恤等情當令財政廳核議去後旋據復稱查此項地畝前據瀋陽縣查復既不在商埠局範圍確在距城十里以內當然係屬官產業經令縣收回由廳另行核辦該委員所請應不准行等情業經牌示該民遵照在案嗣該民又藉詞一

再請求矜恤亦經飭據財政廳核復批斥有案准咨前因相應咨復

查照此咨

奉天省議會

東三省巡閱使

奉天督軍
兼省長 張作霖

財政廳廳長莫德惠代

中華民國十五年十二月十一日

遼中 王鴻志

四 縣 請議爲貸款悉償押品被扣銀行團無理拍賣累及

台安 趙世臣

代表 懇乞

公議咨請發照以維產權而免訟累案

爲請議事竊於民國五六年因爲繳還四年份道尹救災救荒累欠一案曾由代

表王鴻志

經手將遼中縣載家房全所住戶地照一百六十二紙及

代表趙世臣 經手

台安縣唐家窩堡住戶地照四十二紙作爲抵押先後向前華富銀行借現小

洋票二萬七千元及股本小洋票一萬六千元共本洋四萬三千元均訂明月息

一分五厘立有六個月清償借券不意未至繳還期日而該行因發現風潮竟於

六年蒲節前暫行歇業旋經各股東等商承總商會前會長孫轉請財政廳前廳

長王籌議救濟復活辦法當由總商會擔保轉借銀行團小洋六十餘萬元即以

向在該行貸款之所有借券押品爲質致將

代表等

先後經手之在押契照一併套

搭在內惟該行學議恢復卒因擁擠倒閉以致該項契照押品亦因之未得抽贖

延至九十年間經奉財政廳暨高等審檢廳先後令飭遼中縣傳追代表等經手前
欠貸款並附本利數目清單嗣由遼中縣關前知事遵令轉飭嚴限勒追各在案
旋經代表等一再懇准由關前監督轉請財檢兩廳核准由該縣公署担任收敷發
照即俟代表等將本利償清財檢兩廳批回後務將原押契照速由銀行團悉數索
回再由遼中縣署分別轉令遼台兩縣各該照戶領回等因代表等亦以事經省縣
官廳案卷俱在手續完備焉有款繳而不發照之理當遵關前監督諭示轉向各
戶剴切說明而各該照戶始肯以信用代表者信用關前監督爰措足借本小洋
四萬三千元及借利小洋五千六百餘元先後交到遼中縣署均經關前監督驗
收核轉在案此該項貸款所以悉數償清而在押契照反未同時發還者職此之
由不然無論該銀行團手段如何高超既不予我契照安肯先還債款乎此本案
緣起及中途經過之事實也厥後該銀行團奇想天開變本加厲不但措照不發
反額外虛索竟於民國十二年間該銀行團中之官銀號派員拍賣代表世臣經手

契戶趙國昌等之地於是羣情洶洶僉以代表爲詐騙控之於台安縣署並追索地照在案當經代表等呈蒙遼中縣史前監督詳請省署核辦並咨台安縣署請候省示再奪嗣聞省署據情分令財檢兩廳核辦該兩廳亦分行總商會銀行圖查核辦理惟該銀行團謬以華富銀行之債款未清爲詞仍持照不發於是各該照戶仍紛向代表等追究尤以趙國昌等爲最激烈迭次呈控歷經三載契照無發還之日則訟案無解決之期應付維艱苦痛莫名伏思債累既清已無履行債務之必要彼銀行團自不當以債權者資格而妄加蹂躪所有在押契照理應及早發給以保產權而清訟累方爲正當辦法公理主張藉令華富銀行於該銀行團尙有滯欠未清之債自有該行行長與股東等負債務之責或催令其交款或還債或就貸款未償之債戶而處分其押品烏有李代桃僵勿吞棗不問債款之已償未償統將押品一併扣留則代表等將何以處置乎爲此苦累難堪呼籲無路謹遵

貴會章程依法請議如蒙

公決伏乞

代咨無任感激待命之至謹呈

奉天省議會

請議人

王鴻志
趙世臣

富達善

連署人

于廣學

王永升

中華民國十五年九月 日

奉天省議會爲咨行事

本省

依省議會暫行法第十六條第八項之規定受理還

中縣王鴻志台安縣趙世臣等請議爲貸款悉償押品被扣銀行團無理拍賣契

照戶呈控代表懇賣公議咨請發照以維產權而免訟累一案當於十一月一日正會提出討論僉謂查本案債務既經清償而押品返還遭拍請殊出情理之外應准咨

省署轉飭財糧兩廳嚴令銀行開起即檢發遞台兩縣契照而釋訟累此本會會議此案之結果也業經表決通過相應抄錄原請議書咨請

貴公署請煩查照轉飭施行此咨

奉天省長公署

附抄原請議書一件

中華民國十五年十一月二十九日

五鳳城縣曲明允請議爲荒山課重請議決咨行省署查照有效原照規定分別辦理一案

爲請議事竊敝縣人民開清光緒末葉領荒山大墾一專嗣因發生異議請蒙

貴會公議可決有效代咨省署並蒙照准在案原期當局者提照查驗按照大照所填之銀糧數目等則起科年限與不起科者分別辦理使人民有所遵守詎意當局者全未加察只以劃一田賦爲詞不分高山平地不分荒山熟田不分照註起科與不起科一律照平熟地改定課率且補追既往錢糧如此加法是貴會議決利民之案不但人民未蒙其利且反受其害也查原辦荒山雖分上中下三等而有起科與不起科之分凡山之有樹及濬放山蠶者爲上則樹木稀疎者爲中則尙可植樹者爲下則其荒山起科者于丈單上蓋一生字硃籤原定年納銀糧每畝上則三分中則二分下則一分照內並填明於光緒三十七年起科如遇山內有已墾熟地皆段丈量於丈單上蓋一熟字硃籤定於三十四年起科但其銀糧數目及等則因土質礮薄故與荒山之例相同凡作坎塋之荒山亦照上則納價可供樵採之荒山亦照中則納價可作牧養之荒山亦照下則納價惟不升科于丈單尾另蓋一此項生荒俟開墾成熟再行升科硃籤以示區別蓋知此項

荒山既無開墾成熟之日亦無養樹放蠶之年所以僅止收價不忍起科也既使丈放之後或有開墾成熟之處而歷年厲行清賦加以檢舉勢必儘數續報容能有漏糧之虞乎况原丈荒山時繩員身臨其境決不容有包套平熟地畝分毫之處不過因當時丈量苛細致惹起奸民糾衆反抗未及普通交價領照事遂中止延至民國十三年縣署請准變爲蠶場荒山兩項減價放領凡前此一般未交價領照者均得意外之便宜對於_民等前領山照是否有効未經明示當時_民等以爲樸誠者遵令辦理反受虧損彼黠者意存觀望而反對功令竟獲莫大之利益無奈來會請蒙公議有効咨行省署在案乃不料照雖有効而照註起科與不起科暨科銀數日均爲一筆抹煞勒令墾平地三則納課此等辦法不但有失官府威信直視安善良民爲可欺殊失情法之平况_民等所領荒山先由原估旗戶納價購買又由政府備價承領根本偏枯已屬可憫而狡黠莠民遷延二十餘年始行報領論價則比_民等省却十分之九論課則永久豁免同是國民同處一縣

何竟歧視如此之甚而况荒山出產不及平地盡人皆知若照平地收課非特情
法失平地即民等忍受其將何以扣負情急勢迫屢經呈請官府曾蒙省長派員
往查一次然理未能伸累未能除萬出無奈適值

貴會開會用特縷陳原委伏乞

公議可決代咨省署准予查照原照規定分別辦理以昭大信而免冤累則感大
德於無極矣謹呈

奉天省議會公鑒

中華民國十五年十月二十五日

奉天省議會爲咨行事 本會 依暫行法第十六條第八項之規定受理鳳城縣曲

明允請議爲荒山課重請議決咨行省署查照有效原照規定分別辦理一案當

於十一月一日正會提出討論僉謂查此案前於民國十二年該民請議原領荒

山大照應用有效一案曾經本會咨行

省署轉飭財政廳核准在案茲以前請照據雖令有效惟未查驗照內所註起科與不起科之別統按劃一田賦分三則納課未免偏枯等情請議前來查同一荒山而於前清丈放則價鉅課重民國十二年丈放則變爲蠶塲荒山減價無課是奉令維護良民負担者重而受賄者反獲最後之便宜將何以獎善良而挽澆漓應准代咨

省署轉飭財政廳查驗原照所註起科者應照原定年限課銀數目分別起科其不起科者應仍免除以昭公允此本會會議此案之結果也業經表決通過相應抄錄原請議書咨請

貴公署請煩查照轉飭施行此咨

奉天省長公署

附抄原請議書一件

中華民國十五年十一月二十九日

奉天省長公署爲咨覆事前准

咨開以受理鳳城縣民曲明允請議荒山課重一案業經表決通過抄錄原請議書請轉飭財政廳分別辦理等因當經抄附原書令行核議去後茲據復稱查核該會表決結果以此項山荒照註起課者按原定年限課銀數目分別起科其不起科者應仍免除以書面論似尙近情但細核原請議書所稱不起科者係指照上曾經蓋一此項至荒俟開墾成熟再行升科等語殊截而言在當時意在招徠無非暫予從緩並無永不起科之表示該會認從緩起科之說爲永不起科之地一律免除賦課斷無如此辦法惟墾熟年分爲自己久此時儘難澈查應從寬不追既往概以十四年度起按照註等則一律從征以示寬大至起科之地該會謂仍按原定課銀數目完納亦非正辦不但違背劃一目賦原則且當此征收團課悉以二四大洋爲本位與從前原定銀本位迥然不同本廳逐細覆核應認該會所議未便准行除令行鳳城縣從嚴催征外理合具文呈請鑒核轉覆等情前來

除指令外相應咨覆查照此咨
省議會

東三省巡閱使

兼奉天督軍
兼省長

張作霖

財政廳廳長莫德惠代

中華民國十六年一月十四日

六本溪縣教育公所所長蕭漢傑請議爲令中日合辦煤鐵公司照納地方商捐以補助教育經費案

爲請議中日合辦煤鐵公司令納地方商捐以補助教育經費事案查本溪教育經費除畝雜捐外即以商捐爲底款至商捐徵收辦法原以資本二百元作地一日年納商捐小洋一元二角本年春開以醫學經費支絀擬請加倍徵收商捐所有中日合辦煤鐵公司及其他各礦密等商業亦令按照資本納捐業由現任李

知事呈奉

省長公署第二二七號指令內開該縣警學經費支絀擬請加倍徵收商捐並令中日財政廳第三一七號指令內開該縣警學經費支絀擬請加倍徵收商捐並令中日合辦煤鐵公司及其他各礦密等商向不納捐者一律照納商捐事尙可行應准試辦等因在案本縣奉令後所有礦密等商業向不納捐者已均一律照納惟中日合辦之煤鐵公司在本溪開採煤鐵事業歷有年所獲利頗鉅對於商捐一項向未照納現既奉令照准又以同屬商業性質該公司似未便獨異但查該公司係屬中日合辦如強令照納恐縣署命令亦達不到並經詢及談總辦之意亦雅不欲擔納商捐之名如每年補助教育經費若干尙無不可等語是以迭與該公司各職員先事接洽並由地方各團體函請該公司每年補助本溪中學經常費奉大洋一萬元臨時建築費五千元實因本縣教育經費不足現設初級中學一處預算開辦費需奉大洋三萬餘元經常費每年約需奉大洋一萬四千餘元迭經公司籌畫迄未籌足爲變通辦理計雖請該公司照數補足延緩至今該公司

終未答覆並查按照以前辦法在該公司既免照納商捐之名實際亦免照納商捐之數太省因該公司現在資本現大洋七百萬元如照二百元資本年納商捐一元二角則每年應納商捐四萬二千餘元若再加倍徵收則每年應納商捐八萬四千餘元以與每年補助教育經費一萬五千元比較相差甚鉅現該公司既未答覆亦不欲變通辦理擬請仍令該公司照納商捐以求一律並免他商偏枯况該公司在本溪開採煤鐵事業獨享權利最多對於地方應納商捐萬不能任其藉口中日合辦希圖蠲免致使地方收入受其影響是以上懇懇請貴會公議表決如蒙通過即乞轉咨

省長令行煤鐵公司照納商捐實爲公便謹上

奉天省議會公鑒

具請議書人本溪縣教育公所所長 蕭漢傑

教育會長 劉克儉

初級中學校長 荊百斛

地方公欸主任 馬春霖

商務會 會長 常崇起

農務會 會長 劉萬俊

奉天省議會爲咨行

本會

依省議會暫行法第十六條第八項之規定受理本溪

縣教育所長蕭漢傑等請議爲中日合辦煤鐵公司照納地方商捐以補教育經

費一案當於十一月六日正會提出討論僉謂查來書所稱創設初級中學經費

不足請由煤鐵公司依照其他各礦審等商一律繳納商捐補助教育經費事屬

可行此

本會

會議此案之結果也業經表決通過相應抄錄原請議書咨行

貴公署請煩查照轉飭施行此咨

奉天省長公署

附抄原請議書一件

中華民國十五年十一月二十九日

七懷德縣公民趙鐘等爲日人霸佔山地違犯國際公法屢經交涉有案迄未解決懇請公議案

爲請議事懷德縣東路自治八區民趙鐘等爲日人霸佔山地違犯國際公法歷年呈請交涉署及懷德縣署交涉有案迄未解決懇請貴會開席公議咨行省長公署轉令交涉署嚴重交涉以維民命而保領土事竊以世界各國各有領土世界各人皆有權利無故而讓與他人是爲自棄無故而侵佔人物即爲霸佔所以萬國公法尺寸之地各分疆域一介之物自有主權否則強凌弱衆暴寡國不能保家不能守其禍有不可勝言者矣民有祖遺熟地一段計七十一畝六畝產石山一座名曰平安山於前清光緒二十七年間俄人修築鐵路距此山半里之遙有俄員理賓果夫率同工人將民找去商議備價買石伊自備工將石探出按六尺六寸立方堆石每方給與差帖洋三元言明工竣總算好發給石價當即雙方議

妥迨至光緒三十年已將石頭運至鐵路附近堆放過半忽日俄戰起事遂延擱戰爭結果鐵路歸日本經營而開採石頭係民與俄人私人契約決不能因戰爭爲轉移俄人去後民之契約即失効力與日人毫無關係不意於光緒三十三年公主嶺車站駐有日警鶴崗水深等將鐵路附近堆放之石盡行使用復將石山一併霸佔民向伊理論該日警言此山果係你的產業有何執據拿出看看民遂將原領山照十三現出該日警即行奪去民向伊索要伊即歐打並拘留不與飲食六七日亦不償還山照嗣經本縣榮知事將民交涉出來並允代要照民更於是年九月初旬在奉天交涉署據情呈訴當蒙批候據情照會覆到再奪民守候月餘未有端緒復據情呈訴於十月下旬又蒙批示尙未准日領照覆爾即回家守候勿庸在此逗遛仍俟覆到再奪民遵批回家靜候而日人開採石山如故迨至宣統年間又赴交涉署三次呈請交涉又蒙批此案前經照會日領迄今尙未准覆到究竟情形若何仰三站交涉委員就近查明妥理覆奪嗣至民國元年三

站委員仍未查明日人依然掘石徒於是年六月初旬日人率華人資振乾及石
工多人將民之祖坟掘毀首在田內修小鐵路數條往來運石損壞田苗甚多將
民地任意侵吞民復在公主嶺交涉局呈控蒙批照會長春日領事嚴重交涉等
語歷日甚久迄無端倪至民國二年在范家屯站權太洋行日人穴澤忽於舊歷
八月二十七日偕同長春日警僱用苦工多人將民之熟地禾稼硬行改割運至
權太洋行民以侵佔地畝等情呈請公主嶺交涉局又蒙批呈悉候親往查勘再
向日領交涉可也此批候至民國三年仍無辦法又在懷德縣署呈請催辦蒙批
仰候函請交涉局與會日領勿任延宕而保主權此四月初二日之批也候至是
年八月間日人又收割田苗民復在縣呈請催辦蒙趙知事榮山批云已移至交
涉署照會日領矣延至民國六年西月中民三次在縣呈懇交涉批示此案已
請奉天交涉署數向日領交涉仰請候解決勿庸多瀆至七月初九日接到交涉
署公文不准日人再開採石頭此後日人雖不開採石頭仍佔據此山至民之熟

地依然由日人穴澤租與中國人李春和耕種按年收租迄今查民歷年呈請交涉有案並未間斷日人既未退讓交涉署雖迭次交涉卒未解決又於民國十三年蒙交涉署指令懷德縣署查辦懷德趙知事李萃轉令警察第七區區官張耀東駐公主嶺交涉佐治員程芝香會同日親至該地勘驗一次復於去歲舊歷八月二十七日蒙趙知事李萃會同駐范家屯站日警渡邊部長親至該地勘丈並交涉知此案不解決則華人李春合租納此種租糧令其雙方不付如再不解決今歲此項地畝雙方皆不耕種而日人自矧無有憑証純係估故意無據至吉長道尹公署不與懷德縣交涉以致遲延至今懷德縣署復將原卷遞呈交涉署現華人李春合領納此項租糧實係范家屯站三項租糧日人亦不追索於今歲五月間蒙交涉署訓令懷德縣署轉飭日迅將各項憑據彙齊呈交涉署以備交涉參考証據計今呈繳六七月之久未蒙解決查俄國經營鐵道借用日地均給以相當代價在各縣若有卷積民間有收據可証俄人亦有存証三方面均

可查考而日人佔據山又侵佔地有何証據我官憲既未許可又未得價該日人又無充分之証據是其蠶食霸佔之顯然可証者一況該山距鐵道半里之遙非鐵道用地內者可比俄人給價開採石頭決不能將該山讓與日人既使俄人讓與定有讓與証據在其証據上開列畝數若干此項証據久不呈驗於我官府其無証據亦可想見若謂鶴崗等搶十三垧之山照即作爲証據尤屬不合在該山照被搶之時即時在懷德縣聲明被搶各情形該山照決不生効力假使該山照有效以十三垧之証據決不能包括全山三十二垧之多即使山能藉口佔據決不能包括平地七十垧之多是其蠶食霸佔之顯然可証者二在俄人修築鐵道時一經俄人租借之地即不納王租國課而之山地除按年仍納王租國課外並執有大照紅白契等爲証該日人先年不過開採石頭希圖佔據該山事隔數年又侵佔平地該地既係日人所應有何不於佔山之時一併佔據而於開採石頭後數年方始佔據得寸忌尺野心勃勃此其蠶食霸佔之顯然可

証者三查日人經營之滿鐵會社既係營業決無強佔民權之理若我國土地一經佔據即據爲已有恐莽莽神州應被其侵蝕矣在我國民大照上官府曾印有押於外人或落於外人之手概作無效等字樣是我官府防其價買領土何等苦心今民地竟被強佔彼即無大照又無証據獨可謂有効乎再日人穴澤歷年令華人李春合私移界石往外侵佔未被佔之餘地想民家業農別無生計自地也被佔後永益凋零困難萬狀迫不得已謹將山地被佔各情形扳瀝詳陳懇請貴會開席公議主持公道咨行

省長公署轉令交涉署據理交涉則民命可保國土可保人民幸甚國家幸甚謹呈

奉天省議會鈞鑒

具請議書人懷德縣自治八區界民趙鐘頓首

懷德縣自治區
第三區區長 錢國藩
第二區區長 王雨桐 全叩懇

第七區區長 蘇煥章

第一區區長 遲憲章

第八區平頂山村長 劉耀亭

第八區榆樹林村長 王澤民

第八區范家屯村長 呂興周

第八區谷家屯村長 汲治中

第三區趙家爐村長 趙 鈺

第三區黑林鎮村長 王价人

懷德縣自治區
第二區五家鎮村長 史維翰 全叩懇

第二區楊家屯村長 楊占林

第一區趙家屯村長 王延忠

第一區香水河村長 張效先

第七區二十家村長 王兆元

第七區^區坡村村長 李士恩

奉天省議會爲咨行事 本會 依省議會暫行法第十六條第八項之規定受理懷

德縣公民趙鐘等請議日人霸佔山地違犯國際公法屢經交涉有案迄未能決

懇請公議代咨省署轉令交涉署據理交涉一案當於十一月二十二日正會提

出討論僉謂此案關係國家領土及人民所有權之問題應准代咨省署轉令交

涉署迅予嚴重交涉以重領土而保私權此本會會議此案之結果也業經表決

通過相應抄錄原請議書咨請

貴公署查照轉飭施行此咨

奉天省長公署

附抄原請議書一件

中華民國十五年十一月二十九日

八西安縣公民王化宣等請議省令增加畝捐懇祈咨請減輕担負以舒民困案具請議書西安縣公民王化宣等爲省令增加畝捐懇請公決代咨減輕担負而舒民困事竊於本年十月二十八日奉到省令畝捐改爲二四現洋征收即畝捐中則每畝合收現洋一角四分下則每畝合收現洋一角三分四厘減則每畝合收現洋六角七分若以泰粟計算則較往年增加兩倍有奇既係省令理宜奉行無遺豈謂民之義務無如縣自春徂夏亢旱已極早播種者尙未達半迨五月間落雨各方始種完孰意秋後大雨連綿早種者竟招密虫之災晚種者大失成熟之望遂計秋收年成僅可團成有奇在民間又負有軍興以來種種花費以人民現在恐慌論之自覺困難萬分若再加以畝捐重大担負實在力有未逮況縣城捐於六月間經縣知事招集地方公議增加一倍業奉省署批示暫准施

行一年在案奉此令後已將警甲學之薪餉一律增加施行三四月矣人民担此增加一倍之數亦屬勉爲其難今奉省令畝捐較前增加兩倍爲數實屬過鉅併云除警甲學增加薪餉外餘款存於地方預作將來辦理新政之用當此山荒災歉之年所有地方正供尙虞籌繳維艱焉有餘力預儲不急之需留待後用誠以本年錢法雖云毛荒而一般外縣農民既乏餘糧可賣又復借貸無門窘迫竭蹶一籌莫展實人人皆心有餘而力不足公民等目覩時艱籌思至再深知省令萬不可違而民困亦須憫顧謹擬一遵令變通辦法畝捐一項地方款留作地方辦學警甲之用亦照往年成數作爲二四現洋徵收僅加增一倍即可副學警甲增加薪餉之數似此於加增之中而存體恤之意可否之處請貴會公決倘蒙贊助即請代咨施行爲此虔請

奉天省議會諸先生鈞鑒

王化宣

具請議書西安縣公民

金作聲

魏化南

鄧育庭

張紫宸

姜振亞

中華民國十五年 月 日

奉天省議會為咨行理由案依省議會暫行法第十六條第八項之規定受理西安縣公民王化宜等請願為咨令增加前請懇請公請咨請減輕以舒民困一案當於十一月二十六日正會提出討論會謂各縣徵捐前於六月間因錢法毛荒學校警甲加薪收者有捐額已皆增加入歎是敷遠方開支於今省署復令改為二四現洋翻一捐額較前又復增加民力實有未逮況各縣情形不同如甲縣人衆地腹勢必學校警甲需款多而徵捐重乙縣人少地瘠當然學校警甲需款少

而畝捐輕並且平原沃野籌款當在畝捐濱海依山籌款則賴雜項各縣有各縣入款籌之有素非可強同劃一畝捐必施之甲縣或適合施之乙縣或有餘雖省令餘款不准挪移留備地方新政之用然當此水旱頻仍賦稅迭增益以胡匪之捐掠軍隊之供給人民已皆筋疲力竭應付維艱何容預籌此項不急之需存之公家發交銀錢生息僅得月息六厘公家受益無幾而取之人民其告貸則四五分利各人損失甚重是劃一畝捐無裨於公有害於私概可想見應准代咨

省署轉飭財政廳凡各縣舊日畝捐既敷地方開支仍應按照舊章辦理勿庸強同劃一致一境善道以重民累此_本會會議此案之結果也業經表決通過相應抄錄原請議書咨請

貴公署查照轉飭施行此咨

奉天省長公署

附抄原請議書一件

中華民國十五年十二月四日

公文函件

(甲) 關於開會閉會文件

一 咨咨署定於九月二十五日開第四屆第三期常年會請依法召集在籍各

議員如期來會與議並請飭刊登公報俾各機關一體知照文

奉天省議會為咨咨署事查省議會暫行法第二十二條載省議會常年會每年一次由行政長官召集之等語茲經本會議決定於本年九月二十五日開第四屆

第三期常年會相應咨請

貴省長依法召集在籍各議員如期到會以便開議實紉公誼此咨

奉天省長莫

中華民國十五年九月十三日

二致全體議員如期蒞會與議函

逕啟者本會定於九月二十五日開第四屆第三期常年會除咨請省長依法召集外應請貴省長屆期蒞會爲盼此致

先生

中華民國十五年九月十三日

三請省長蒞會函

敬啟者本會定於九月二十五日上午十一時舉行第四屆第三期常年會開會式除咨請貴省長蒞會外並請貴省長屆時蒞會爲盼此致

貴省長屆時

蒞臨藉承

指示以襄盛典無任翕禱專肅敬頌

政祺

中華民國十五年九月十六日

四 請各機關首領蒞會函

敬啟者 本會 第四屆第三期常年會定於九月二十五日上午十一時舉行

開會式除登報公布外用特檢同會儀式單函請

貴 屆時

賁臨藉承

指示不勝盼禱專肅頌

政 勛祺此致

計送開會儀式單三十份

政 務 廳 長 財 政 廳 長 實 業 廳 長

教 育 廳 長 警 務 處 長 交 涉 署 長

鎮 威 上 將 軍 警 察 廳 長 高 等 審 判 廳 長

檢察廳

清丈局總坐辦 市政公所市長 瀋陽縣監督

電話局長 電報局長 電燈廠長

電政監督 紡紗廠長 律師公會會長

瀋陽地方審檢廳長 硝磺局長 商埠局總辦

商埠警察局長 憲兵陳司令 被服廠廠長王副楊

城稅捐局長 公立醫院院長 同善堂堂長

京奉鐵路局長 瀋陽監獄典獄長 日本站華商會長

中華民國十五年九月十六日

致交涉署轉請各國領事蒞會函

五 逕啓者 會 第四屆第三期常年會定於九月二十五日上午十一時舉行

開會式除另函奉請

貴署長屆時蒞會外用特檢同參觀券三十份敢請分神轉送各國領事屆
屆來會以光盛典無任盼禱之至專布順頌

公綏此致

奉天交涉署

計送開會儀式單 暨參觀券 份

中 華 民 國 十 五 年 九 月 十 三 日

六 致各省省議會報告開會日期函

逕啟者 本會 第四屆第三期常年會定於九月二十五日舉行開會式除各
咨報並分函外特此奉聞此致

省省議會

中 華 民 國 十 五 年 九 月 十 三 日

七 致各報館於本年九月二十五日舉行第四屆第三期常年會開會式屆期

蒞參會觀函

敬啓者 本會定於九月二十五日上午十一時舉行第四屆第三期常年會
開會式除分函外茲將檢同參觀券暨開會儀式單函請

貴新聞記者屆時

賁臨藉承

指示無任榮幸之至專佈敬頌

公祺此致

各界

各報館

計送開會儀式單

紙

叅觀券

張

中華民國十五年九月十三日

八 致交涉署請派定語譯人員若會以便招待外賓函

敬啟者 本會 第四屆第三期常年會定於九月二十五日上午十一時舉行開會式經業函請

貴署轉請各國領事蒞會參觀在案惟招待外賓自應藉重翻譯人員用特函請

貴署查照分派數員屆時來會藉資襄助實緝公誼專此祇頌公綏此致

奉天交涉署

九 咨省長公署爲本會第四屆第三期常年會於十一月二十八日依法閉會

請查照備案文

奉天省議會爲咨報事查省議會暫行法第二十三條載常年會會期以六十日爲率其有必須連續開議者得延長會期二十日以內等語本會第四屆第三期常年會自本年九月二十五日開會扣至十一月二十三日會期

屆滿祇因議案多有未決經大會表決延長五日茲屆期滿自應依法如期閉會相應咨報

貴公署查照備案此咨

奉天省長公署

十 致各省省議會報告於十一月二十八日依法閉會函

逕啟者 敝會第四屆第三期常年會業於十一月二十三日會期屆滿祇因議案多有未決經大會公議延長五日茲屆期滿自應依法閉會除咨報並分函外特此奉聞此致

各省省議會

十一 致奉天公報館求輯處及東三省公報館於十一月二十八日依法閉會請刊登廣告函

逕啟者茲有敝會通告一份送請

查照刊登俾便週知爲荷此致

奉天公報編輯處

東三省公報館

附通告一份

奉天省議會通告

本會第四屆第三期常年會業於十一月二十三員會期屆滿祇因議案多未解決經大會公議延長五日茲屆期滿自應依法閉會除咨報並分函外特此通告

乙 關於議員出缺應另遞補來往函件

一 咨省公署爲本會會議員普賢因任蒙荒總辦辭職請依法遞補文奉天省議會爲咨行事查本會議員徐普賢係由第四區錦縣人民選舉現任吉林勘放蒙荒總局總辦茲於十月八日提出辭職書業經大會議決准予辭職

所遺議員一缺未便虛懸自應按照省議會暫行法第七條之規定咨請貴公署令行該選舉區監督轉知候補當選人依法遞補並促該員早日到會以資服務至公誼綑此咨

奉天省長公署

中華民國十五年十月八日

二 咨省公署為本會張議員效良任通縣知事辭職請依法遞補文

奉天省議會為咨行事查本會議員張效良係由第十區錦西縣人民選舉現任直隸通縣知事茲於十月二十八日提出辭職書業經大會議決准予辭職所遺議員一缺未便虛懸自應按照省議會暫行法第七條之規定咨請

貴公署令行該選舉區監督轉知候補當選人依法遞補並促該員早日到會以重職務至綑公誼此咨

奉天省長公署

中華民國十五年十一月一日

二 咨省長公署爲本會門議員瑞臨因病逝世請依法遞補文

奉天省議會爲咨行事查本會議員門瑞臨係由第十八區新民縣人民選舉茲于本年十一月十八日因病逝世所遺議員一缺未便虛懸自應按照省議會暫行法第七條之規定咨請

貴公署令行該選舉區監督轉知候補當選人依法遞補並促該員早日到會以重職務至緞公讀此咨

奉天省長公署

中華民國十五年十二月一日

丙 關於各省來往函電

一 湖南省議會快郵代電

北京國務院全國鐵路協會廣州國民政府各省省議會軍民長官各公法團各報館各名流暨父老兄弟諸姑姊妹鈞鑒竊以交通事業爲文化之母亦增進國力之始基故觀國勢者每以路政之修明與否爲文野強弱之判定吾國鐵路自辛亥以還曾經運動提倡幸以政變中輟蓋因財力耗於內亂舉外債則窒碍尤多車軌大同之盛旋託空言讀周道鞠爲茂草之詩不勝前路茫茫之感自庚欸實行退還英欸由該國委員會來華調查用途中外人士對於此欸不外交通事業與教育事業而折衷兩者之間不若以一大部份築路即以路局收入爲教育基金實爲適當查粵漢鐵路爲縮殺南北之惟一幹線不僅貿遷有無交換智識關于其他國計民生者至鉅據專門家估計完成此路約須洋五千一百餘萬元織今請以英欸五千萬元修築粵漢路路成之後組織特別會計即以收入純利爲教育經費與英人主張用於兩國間有益事業者亦合諸公高瞻遠矚諒表同情務望一致主張庶交通教育一舉而兩得百年大計孰逾於此敝會謹代表全

湘民意特此電請照鑒以遂旨候明致湖南省議會即巧印

二 關於外交部奉天交涉署公函第一三七〇號

逕啟者案准

江蘇省交涉署函稱頃接駐比王公使來電爲提出廢除中比舊約事屬密爲轉布等語茲抄電奉覽即請密存見復爲荷附抄件等因准此除分呈並轉致外相應抄電直達即希

查照密爲存覽並轉告各機關一體注意惟須令其秘密爲要此致

奉天省議會

計開送附件

駐比公使館來電 十五年七月二十九日

上海交涉署 二十二年六月二十七日來函治國年中比前約本至十月二十七日又爲十年期滿中央又與各國訂新約喪失國權損失開何此預告及期無效商訂新約比政

府及比輿論界態度模稜僅允關法兩會有成後徐商一部份之修改不廢舊約中央驟於五十年來修約無一得成均因舊約不廢之病始終監持廢舊訂新之新法辦法而此僑民近亦聯合旅英旅德旅法各國僑民全體爲政府授盾本月二十二日在北京召開旅比華人大會議決比如不允應對比經濟上外交上絕交全體學生退出比境各案後即派代表赴比外部請願又復全體到館秩序嚴肅由景岐而見正式代表當衆宣告政府始終決心不爲利害所動等語已電達國務院外交部關稅法權兩委員會在案查去歲慘案之後不平等條約中以比約爲首先滿期如不合上下內外南北之力一致爲中國之援對比外交一有失敗則自後他國之廢約將永無希望我公熱誠愛國特懇就近向總商會學生會及輿論界廣爲傳佈並其比人接近時擬請酌以全國一心之情形相告各省行政長官及各省交涉員亦懇分別遠近郵電密轉敬候電復爲禱王景岐二

三 關於全國災民聯合會代表山東周鳴普等爲吳佩孚毀法亂國其爲先
河請嚴重裁決文

各省省議會商會教育會農會律師公會各報館各公團各縣縣議會商會教育
會農會北京順天時報晨報益世報世界日報中美晚報大同晚報並轉各報館
上海申報新聞報時報國民日報新申報時事新報並轉各報館天津益世報泰
晤士報華北新聞並轉各報館漢口正義報晨報大漢報並轉各報館廣州報界
公會並轉各報館均鑒天下之亂亂於無是非國人知大亂之可懼而每不究大
亂之源與好亂之徒以懲創遂至盜跖標榜仁義奸慝橫行天下是非顛倒善惡
混淆循環變亂莫知所極輿言及此可痛孰甚代表等身遭兵燹受同難者之委
託冀得各方之救濟並與國人謀遏亂止禍之方奔走呼籲卒爲窮兵黷武之吳
佩孚所梗始知歷年擾擾以成今日之局者皆吳佩孚一人也吳佩孚不死吾民
將無噍類矣爰揭其實以爲國人告吾國亂端起於洪憲一役袁世凱命曹錕總

北洋大軍以禦雲南靖國之軍曹錕素稱怯懦吳佩孚適在其幕目告奮勇以抗義師遂以旅長率先鋒隊入川擁曹以西行吳佩孚之名漸爲國人齒及屬吳佩孚效忠洪憲背叛民國之發軔袁死黎繼曹錕以夤緣督直吳益受寵信又以爲秀才時曾熟讀三國演義目誇有心得謂立憲國三權分立三國時之西蜀已行之劉備行政諸葛亮立法五虎將司法是也曹部本少識字之人多附會其說且慶曹錕得一臥龍先生矣會督軍團之亂吳佩孚陳兵長辛店逼散國會驅逐總統以讓天下之大亂是爲吳佩孚毀法亂國之動機武人干政即肇於此復辟事起曹錕已在保拜直隸巡撫之命吳力請其率師入衛以抗討逆之軍及兵抵長辛店適段祺瑞遣人動以危言更以大義貢三師諸官佐曹乃趁風轉舵合討張勳而吳佩孚以不能依附張勳效法武穆爲恨每與人論及此事輒露太息痛恨之意護法軍與吳佩孚啣徐世昌僞命南征以旅長代理第三師師長進兵荊襄轉戰衡岳南北之分裂即其發端吳在岳呈詩徐段有男兒有志護中央那怕逆

百萬狂之句其謬妄可想見矣吳入湘後段祺瑞劉培植皖系勢力以湘督昇張敬堯遂不滿退有後言徐樹錚乃親赴衡州曉以大體餌以桂督並允接濟鉅款吳始欣諾進攻廣西然徐歛由張敬堯轉交張竟匿徐之情而示己之惡吳銜徐之輕已乃萌衡陽倒戈之志彼時粵軍政府派張其鏗到衡說吳撤防北返使與北京政府相周旋隨惠以倒戈費廣東毫洋六十萬吳即由湘而鄂而豫而直方吳軍過漢一時雙角小洋充斥市面武漢商座至今猶能道及是前之南北戰爭吳佩孚實促成之北與北戰南與南戰亦吳佩孚導其先河而蔣鎮綱倒戈之風實開自吳佩孚一人皖直一役借奉軍入援之力僥倖戰勝曹張得相晤於北京惟曹以吳威出己上屢請於張加吳入會議席張輒嚴拒之一日吳赴順成王府謁張閻人以其爲師長直肅入毗連內室之會客廳請張出見張乃痛責閻人不應導之入內且雜有難堪語爲吳所竊聞張旋出晤態又躁傲吳自此銜之刺骨常對人誇示此後當以打倒鬍匪爲職志奉直戰爭之因即種於此時當王占元禍

鄂時湘軍擬仗義援鄂。人中有耳吳之虛名，自赴洛請助。王吳大誓，王且援助鄂人誠意。鄂自治軍乃起於長沙，連敗王軍於武岳之圍，未幾吳遂狗王之請，以蕭耀南領兵援王，抵劉家廟，後頓兵不進。王被迫而去，吳一面請湘軍停戰，一面令北軍猛攻，且親乘兵艦督師鑿隄，以掩湘軍溺斃。當地人民二十餘萬，鄂遂爲吳有矣。鄂人如不善忘，豈能與吳佩孚共立於天日之下乎？湘軍退後，川軍忽入鄂西，吳轉赴宜昌督戰。幾爲川軍所擒，自此知西南健兒之不可侮。乃利用楊森使向熊武倒戈，利用黃毓成、顧品珍使向唐繼堯倒戈，利用沈鴻英使向陸榮廷倒戈，並向孫中山倒戈，利用趙恒惕向譚延闓倒戈，利用陳炯明孫中山倒戈。又恐趙陳之大而難制也，復使葛豪林、虎洪兆麟以倒趙陳之戈，非獨對於西南也。即對於同派之北洋系，何獨不然？前以蔡成勳倒陳光遠之戈，今又以鄧如琢倒方本仁之戈，非獨對於北洋系也。即對於北方，何獨不然？前以田陳王靳米等倒岳維峻之戈，今又以井岳秀倒李雲龍之戈，非獨對於北方也。即對於同亭，何

獨不然前以唐之道部倒張宗昌之戈繼又運動李景林倒張作霖之戈而功未成此顯而易見者也其他對於奉張竊孫運動內部倒戈之陰謀尙不知凡幾吾人亦不欲明揭之矣若吳佩孚者尙堪領袖軍界指揮百萬健兒之衆耶其污辱我民國軍人甚矣十二年六月十三之亂國人所最痛心者也當局之好作責賊曾迭電洛陽請其制止吳置不答卒緩逐黎賄選之禍猶不知懺悔復坪昇異已今日請免奉張之職明日謀奪浙虛之位遂有東南東北之血戰使江南財富之區人民顛沛流離不知死所榆關奇險之地將士血肉橫飛慘不忍觀其他因此役而喪身破家者尙不知若許幸國民軍班師首倡和平而晉兵始獲一時之小安方謂津沽逃後黃岳伏處閉門思過方圖晚景蓋好亂之性豈可稍戢不意未及一年又復嘯聚演梟撼動風雲而川而湘而贛而鄂而豫而陝而晉而直魯而京兆無處不有吳佩孚之虛聲即無處不受吳佩孚之蹂躪况復竭鄂省之脂膏以供各方之軍用致鄂省三千五百萬人民相依僞命之官票一旦破產小康之家

顛成乞丐並毒死多年相從不肯阿附之蕭耀南家屬畏威不敢告人臣魯豫三省則更苛捐重稅敲骨吸髓寡人之妻鰥人之子農夫耕作之時商遺軍粟之厄計此數月中地無分東西南北均成兵匪水旱之區人無分男女老幼已失偷生苟全之路嗚呼謂吾國有負於吳佩孚耶則以一秀才而躋巡閱使之高位謂吾民有仇於吳佩孚耶則其妻孥兄弟之供奉皆取自吾民之脂膏吳徒以一人權利意氣地位之爭不惜舉垂亡之國無告之民爲孤注之一擲是而可忍孰不可忍也且馮玉祥出國已久所部已退出北京戰事本可終了而吳佩孚則誓決主戰必欲盡坑西北有紀律之軍士未免迫人太甚遂令京畿南口一帶之民困苦頻連死於溝壑者日以數十百千計中外爲之側目天地爲之痛心而吳佩孚好戰自若叔寶全無心肝何其一至於此嗚呼是吳佩孚之肉其足食乎溯自洪憲以還今日總計大小數十百戰吳佩孚皆親與其事所殺兵民一千萬計所損財產一億兆計不知所爲何事然使吳氏果有救國熱忱與救國辦法吾人未始

不可相助然詳考其實贊成洪憲爲叛國也贊成督軍爲毀法也贊成復辟爲叛國也進兵長岳爲毀法也衝陽倒戈而有直皖之戰爲洩徐樹錚之私憤也而奉直之戰爲報張作霖輕侮之隱恨也湘鄂川鄂之戰爲爭湖北之地盤也東南東北之戰爲保存選黎所選之穢史也川湘顛黔桂粵贛等省之戰爲以毒攻毒也今日之戰爲標榜護恣紊亂法統也試問此種戰爭有一次一事爲國家打算者乎是知吳佩孚毫無主意而其頻年戰爭皆無名義所以忽而帝制忽而復辟忽而毀法忽而又護法忽而又毀法忽而擁徐忽而逐徐忽而迎黎忽而逐黎忽而援王忽而逐王忽而討張忽而聯張破法紀以爲樂玩弄元首以爲榮操縱疆吏以爲威生死羣黎以爲快寡廉鮮耻背信妄義思仇無定反覆無常憑一己之喜怒決一朝之雌雄不顧國本恤人言生殺予奪均由已出殘忍刻薄亘古無倫桀討無此暴虐闖獻無此殘酷此真豹虎所不食有北所不受者若此人而可長存則天地或將傾覆人道或幾乎熄矣吾人尙得與之同中國乎近則張吳合作人

將不可保矣吳在京晤張不及三小時論政合作則堅持護憲雖顏惠慶通電詭稱事實因閣究以日欺欺人卒迫奉張討賄之役難以自處且對人輒謂張作霖係投降而來曾由張景惠聲言不再干涉政治政府之組織均盤之分配彼無置喙與地論軍事合作則暗藏所與與日接連者爲叛變實則內結思以薄奉聯各軍之力而孤其勢使獨當西北勁旅藉以阻其進攻之謀至吳佩孚奸詐性成往往與聯軍商通部屬爲提攜陰施戕賊爲其價役公奉亦非弱者寧甘屈服忍無可忍終必一掃吾民大禍將又臨眉睫矣西北之一波未平東北之二波又將起外則貽列強口實則增非常災害是知吳佩孚生則吾民死吳佩孚存則吾國亡吳佩孚實畏國民不而立者也爲今之計惟望我國人洞宗其奸共舉討之師則除級株之患戮吳佩孚以謝天下治諸徒犯以清餘孽各省被難之人死者瞑目生者平憤然後察抄吳氏私財分償災區雖所值不抵萬一亦懲奸發惡之道且聞吳佩孚嘗以清廉自詡及察其蓬萊原籍房舍有如宮

廷田畝已半全縣其妻妾又於津漢租界各置華屋窮奢極侈隣里爲之咋舌而吳則明知故昧假作痴聾究其一絲一縷一木一石果從何來耶亦願國人勿爲吳氏標榜廉潔所愚而遺其妻妾佚放之資以爲窮兵黷武者戒全各方將帥非屢經吳氏撻笞即曾受吳氏構陷僅計一時之利害遂忘歷歲之齟齬或覘顏事仇而謾罵之之電墨尙未乾或爲虎作悵而擲揄之言詞聲猶在耳結果徒與吳氏共犧牲倘能即時悔悞同起誅吳則是利國利己福民福己其勢願其功偉矣若未赤化未滅合力敵愾試問吳之力又何在耶即進步言之所謂赤化之軍隊與吳佩孚之軍隊比較孰優孰劣耶而吳佩孚乃之赤化者之輩尤甚與且古未有之創國吾人雖不解赤化爲何物然吳佩孚當討赤之任則吾人實不敢聞命之吳佩孚實爲殘民禍國之賊國人所欲得而甘心者也安可付以軍旅大事乎如上所言吳佩孚果健爲者應當斂其凶愆舒身司敗之各省誼同人願檢其歷年遺亂釀禍之事實與之對薄法庭倘設誣誣均甘反坐之誅天地鬼神實聞斯

言謹淚乎籲乞國人合力對吳佩孚下一最後嚴重之裁判全國災民聯合會代表山東周鳴晉吉林成祺黑龍江趙金騰奉天吳明福山西閻家傑河南袁其澍湖北謝天慈湖南周思義陝西孫建平甘肅王正道四川蕭秉權貴州李大才廣東謝啟章廣西龍永德雲南劉萬新江蘇徐懋勳浙江章世勳福建林大奎安徽方安璧江蘇趙士潤熱河馮必達察哈爾張省三綏遠烏發道包維張承相京兆孫啟全等同叩文

四 關於衆議院議員陳太龍請復法統以定國是電

奉天張雨帥長辛唐吳玉帥錫鑾南京孫馨帥雲南唐省長各省區軍民發官各父老兄弟各法團各報館均鑒敬啟者無國中外所無悍然爲之共和法統天經地義悍然棄之法統生存何來事實悍然出之何悍然自殺之勇過於前之亂人而惟恐共和亡之不速也哀哉不能言悍者是出我心是悼忍疾而進言兩帥無憂共和之不亡而亦無倖事實政府之威也共和民國與非法事實政府之威也共

和民國興非法事實政府同歸於亡問亡於何口今之喪亂弘多夫使事實政府可以休憩我寧捐棄以爲民速無如其必不可也問何不可曰兩帥幸有前人作亂之會得假名討賊而來今之羣亂尤必幸有兩帥在亂之會得假名討賊而至也遠近四方之患有形者已悚惕於目未形者謂忍宜之而行且與有形者以俱現或實同心或隨變態進無衆援退無國據不亡何待而獨痛乎亡兩帥者又爲亂人所操之術至多亦不過如兩帥假名討賊爲止得之在手又亂是饑且合之則羣亂而來分之則各持一轡以我國魂離散於何招索故曰兩帥無愛共和之不亡而亦無倖非法事實政府之成也國亡不必計自身之亡心所悚也然兩帥果畏自身之亡而求不亡乎亦求諸己而已在己之不以殺國自殺而已果欲不亡不宜舉行非法事實政府放棄總統國會以墜法統以滅監守使人指爲亂之賊一如前賊也然今何爲若挾孤忠孤憤之意悍然以行亞欲舉共和與之偕亡也哀哉不能言匪舌是出我心是悼忍疾而進曰願兩帥當共和國民之公僕

效古大臣之公忠體國以爲義毋蔽於孤忠私誼之見以行不義此千秋百世之事兵威可以取天下而不能取史筆也事實政府之如何用意今且不論而惟共和國以法統爲命脉舍法而自立政府必因叛法而召爭亂故欲理此三年內之亂而減少以後之亂則復法定國不二之圖至法統歸宿則在十二年六月十三以前此是非昭著之國案天下屬目羣雄耽耽賄選未足論也蓋賄選於法律無據且果使應選賄亦無亂國家而惟六月十三日之變亂逆彰彰天下灼灼選由是來非法已成鐵案他可勿論今爲問一夫蒙冤國法猶予平反而謂共和國之元首可容一人橫衡篡逐凌戈萬鈞國案又可置諸不問是無是非無綱紀各唯力視國何由甯今不速復十二年六月十三日以前之法統是永無是非綱紀必無以止爭亂戢人心此撥亂反正之功端賴兩帥以及羣帥否則俾國會提議復此大法使法統有託亦轉圜補救之方舍此則無論或由國會重選總統或創立事實政府是皆非法是皆築室欷礎誰不危疑不平不正何由安定今人存政舉

一朝反正即成政府既無國會選舉之煩亦免事實政府之非總統國會期滿皆可依法一貫繼承政府既復對內對外折衝操縱救弊補偏均有樞機運用之宜較之自身當衝靈空迥殊險夷遠判富茲浩劫非謂如此即可挽回然斬國更無戮力同心之義拳拳服膺之物且促自身之亡蓋有國而後禮樂征伐有所自出而後有真是非而後忠義正乞有所式憑苟舍此神物而問諸淫昏之鬼求諸厭効之符必爲魑魅魍魎所害願兩帥本大公矢至誠嚴法奉國以止奸回仗義尊周以伸糾合無自立辟無俾城壞無爲非法事實之行無蹈殺國自殺之途家國存亡胥視今日外患內憂多將熇熇行見求爲有國且不可得痛喪亂之無日哀民庶之無辜不禁泣血而言之疾也而尤懼匡補之不及也衆議院議員陳太龍叩七月十七日

五 全國商會聯合會致張吳孫閻各帥及各總司令籲懇停戰息兵以舒商困電文

北京國務院各部院各省區軍民長官各法團各報館均鑒頃上張吳孫閣各帥暨前敵各總司令廣東蔣總指揮湖南唐總司令葉趙兩司令張家口鹿張兩總司令顧懇停戰息兵以蘇商困一電文曰商民受戰禍久矣蕩析流離痛苦萬狀本會忝爲全國商界總機一再呼籲和平諒已早邀省覽今則南有湘岳之戰悉武漢精銳以禦之北則奉聯大軍雲集南口熱晉勁旅控制綏張砲火連天驚心動魄成敗之數未定商民精血已枯湘浙大水權百年未有之奇災直魯流亡十室九空之歎丁賦則預征若干年捐稅則立派若干萬果尙交通便利原可稍事貿遷藉博贏餘以資彌補而乃輪蹄不通處處運輸困難周轉不便則脈絡皆停生殖未能則全局坐困異燃料論煤區積貨如山而京津閉歇之工廠相繼也以食料論田間刈麥登場而城市餓殍之貧民相望也京師燃料食料多數仰給於張綏斷絕西北之來源居民生活無措夫國家猶人之身也商於國家猶血脈之於軀幹也貿遷有無調濟金融皆賴於商商路既塞則市面蕭條財源既枯則官

民交困况兵之餉精又到處取給於商此則舖捐多繳數倍彼則估其所值儘量提取似此苛斂何異竭澤而漁况復軍火不繼勢必仰待外來歐戰後之廢物各國皆利我內亂博我金錢無數資財等於虛擲取民之資戕民之命奪民之食失民之時邦之杭陷孰實爲之原來軍事問題關係重大商民昧於大計自未便一再嘵嘵只緣負担過重萬分無法支持是以冒昧陳詞冀動清聽夫天視民佳兵不祥古訓所昭殆無或忒今日民心厭亂衆口一詞列帥以古聖賢之心爲心目擊瘡痍寧能忍置用敢不避忌諱代表全國商民環泣於列帥之前實非無病而呻只緣數死乏術塗炭已極將就淪胥萬乞稍恤民依止戈爲武暫就原有勢力各保固有封疆與民休息數年再圖根本解決試看遍地萑苻載途荆棘伏望曲循民意上召天和迫切冒陳伏乞垂鑒等語時急勢迫務懇一致主張呼籲并懇各省區總商會就近請求軍事當局俯允辦理大局幸甚民生幸甚中華民全國商會聯合會印敬

六 關於天津中等以上學校教職員及教育會上各省省議會函

省議會執事鈞鑑竊維萬幾先於教士百年重乎樹人欲儲棟榑杞梓之材須需
械樸菁莪之澤非效宣尼化南弟子三千安能太史占星賢人五百是以園橋觀
聽肇於息馬論道之時三舍規模基於武臣讀書之日固未有鼓鼙朝動絃鐸夕
痔而令鬢序荒蕪帥儒槁俄者也我直隸各中等以上學校分科設教多士潛修
戒一暴而十寒冀一樹而百稜果能蓓盤有味槐舍長春縱日不足而月有餘詎
寸所長而尺有短乃自郊多龍戰巢有鳩居因戈戟之雲屯致笈莖之星散屋則
塵汗堆積院則波勃薰蒸器毀書焚而無以防牆頽檻折而不能理加以兵鑿累
月歎欠逾年凡各校之束修若畫地而作餅授書空殷於望魯絕糧已等於在陳
上泮將化荒墟硯田竟逢惡歲間有一二學校仍懸縫帳未撤青氈而手妙空空
腹摩負負既已朝不保夕安望初而有終暫雖勉爲支持久必同歸涓滅就職教
員而論爲希腹果方業舌耕一年之囊橐長空八口之餐殮奚恃祭餘難乞於東

郭交謫不免於北門縱碌碌而因人寧鬱鬱而居此就各學生而論一空請業千里求師希小成大成而無期擲分陰寸陰於虛化歸里者情同於株守滯津者勢等於萍飄忍聽有用之青年竟爾間過夫向日就教育前途而論頽敗也易補其也難備亡羊仍不補牢恐搏鵬而難希運海今日而已如此將來而又奈何詎我幽營燕趙之人永外鄒魯河汾之化同人等心傷覆轍目擊時艱有千絲已紊之憂危作一線未絕之補就果能莘莘濟濟還我本來庶幾矻矻孜孜培茲後進無奈影思返曰術乏點金烏填海而心長蚊負山而力小諸公或望隆山斗或身秉鈞衡或司言論機關或肩教育職務或心關於中華全局或誼屬於直隸同鄉庸忍誦絃永歸淪陷用敢不揣孟浪求助他山若蒙俯採芻蕘不遺葑菲施萬鈞之力固荷陶成藉九鼎之言亦收效果但期資儲阿堵挹注有方自能化啓斯文栽培不墜得尺尺而得寸寸克成育士之功染蒼蒼而染黃黃皆出如天之賜望風拜手祝露銘心虛貢徵批佇候

明教肅函敬頌

衆祺

天津中等以上學校教職員聯合會

直隸省教育會

天津中等以上學校聯合會

直隸中等學校教職員聯合會

七 關於譯致英國內閣總理商榷庚款用途電文

敝國應繳貴國庚款承允自參加歐戰日起悉數退還敝國補助各項事業之用以敦邦交至深感激惟念貴國毅然出此蓋欲以增進兩國人民之親善發展相互正當之利益能否貫徹此項目的則全視處置方法是否適合敝國全國人民之期望並支配用是途否使全國人民普受庚款補助之利益以爲斷耳故深願貴國博採輿情慎審規定務使款無虛糜功垂不朽尤須公允支配融洽羣情當

亦當因時制宜有長徵職者宜任之各省之商民及機關之有說者應推舉代表依
法組織實為國民代表全國商民之機關應由政府設法開辦以資接洽各
省分區之商民宜督責其組織商會商會組織至遲不得待及一月會商後依據
全國多數之民之公理而為國計及羣衆之利益應請充實下列之規定
辦理

(一) 應請仿照美國之新辦法實行退還其一切主體常屬於中國人民至英國
政府得於不妨礙其領土範圍以內同負審核監督之責

(二) 庚款退還後之因遠應以補助全國較為重大本之利事業交通事業並關
於勞工界之教育與衛生事業等各項為範圍

(三) 支配在規定用途範圍以內之各種事業應以比較的能使全國普及利益
為標準例如東南之導淮河北部之濬黃河西南之完成粵漢鐵路西北之
興修甘新兩省交通並各重要商埠勞工界之義務教育公共衛生皆為應

受補助之事業

(四) 凡受庚款補助而完成之生利事業其將來所得之收入應劃出一部份以作全國教育事業之基金

(五) 關於分配預算審核用途與一切出納事項應由中英兩國各推代表組織董事會遵照原則負責辦理但英園方面代表人數不得超過於中國代表人數至中國代表人選應由政府與公園各推若干人合組之

上列五項原則係經明確之調查慎重之研究尤合乎全國人民之心理其所
以如各規定者亦爲

貴國力謀直接上與間接上各種絕大之利益蓋貴國與 俄國 以商業爲最重而水利交通均與商業俱有密切之關係係勞工與商業尤爲息息相關當此工潮澎湃益宜注力於茲想貴國亦所極端贊同者也倘貴國對敝會所陳之意見悉加採擇則敝會尙有詳細計畫與預算將來於董供專會並願竭誠做

會之心力以協助董事會之進行敬行愚見主希察納爲荷中華民國全國省
議會聯合會東印

八 關於藏民文化促進會宣言

今日世界之民族以其文化上地位之不同中間恰如有一條深闊之鴻溝劃分
世界民族而爲兩大區域在其左右兩岸取對峙形勢而估據此鴻溝之右岸者
即文化較爲發達之侵略民族以政治之經濟之力量搾取世界人類之膏血以
爲其行將崩壞的資本制度之續命湯而估據此鴻溝之左岸者則爲文化落後
之被壓迫民族此等民族以估人類五分之四之人數與土地而其所處之境遇
乃在少數侵略民族統治之下一切自由幸福皆被剝奪淨盡自負經濟侵略之
重枷長期監禁於阿鼻地獄之中吾中國民族實亦爲彼等同樣待遇之夥友而
吾人所以必須受如此處分其罪狀即文化落後之四字而已吾人試翻開十八
世紀末葉以來一百五十年之歷史則即能明瞭白種民族實爲世界之惡魔彼

等依賴其文化之發達早較欺壓世界其他之一切民族非洲美洲澳洲及亞洲之大陸皆已一一爲其殖民地而黑種紅種棕色種之三大人種幾已完全退出世界民族之會場僅有少數可憐之子遺避入深山僻壤之中以完成其民族滅亡史之續論而已即如吾中國民族今日雖尙留奄奄之一息但徬徨偷生於侵略國主義鐵蹄之下然全民族之生命實已如風中之燭無時無可以滅之之機會近年以來英國侵略主義乘吾中國革命尙未成功之時對於吾西藏民族更以狡計百出之手段威嚇與誘惑並用必欲使吾藏民拱手肅立於大英臣奴之班次而後已吾人於此岌岌可危之狀態下面發覺西藏民族自身奮起以求生存之之必要吾人決不屈膝於彼國之前求其憐憫惟有提高吾人作戰之能力以與彼國相奮鬥蓋大戰爆發之際黑種民族與黃種民族受威而遜民族自決口號之欺騙亦曾負鎗而赴侵略主義爭奪商場戰爭之前敵彼等以其無限之血肉嘗試德國侵略主義之藥彈至其結果奴隸者仍爲奴隸侵略國已自食

其言而肥矣此種如何可貴之教訓乃使世界一切弱小民族皆有民族之自由幸福民族自身奮起求之之覺悟弱小民族今已漸漸造成一聯合戰線以向侵略國主義求最後之決戰吾西藏民族無力拒絕此時代之使命而直自身存亡問題於度外故已決計本孫中山民族主義之精神以十分之勇氣參加國民革命之隊伍而謀由侵略國主義之手中奪回被剝之自由與幸福由是本會今敢明白宣示其宗旨予國人之前國人必須瞭解本會宗旨初不僅無意義的促進藏民文化而已乃在于促進藏民文化以增加其參加國民革命之作戰能力對內喚起西藏民族要求與漢滿回蒙四大民族處政治上平等之地位對外則與漢滿回蒙四大民族攜手並進打倒侵略國主義以求中國有國際平等之地位爲欲達到此目的本會認有努力預備工作之必要第一在使藏民有民族自決之澈底覺悟第二在使藏民有民族自決的奮鬥精神第三在使藏民有民族自決的作戰能力凡此種種使命本會決不如太戈爾等身爲大英侵略國主義之

奴才而猶津津有味吹其東方精神文明之法螺恬然不知羞恥爲何物吾人所願提倡而灌輸之者乃在藏民今日所處地位所需要之文化而已謹此宣言

九 關於孫洪伊致孫傳芳書

馨遠仁兄總司令勛鑒知我公建牙禡纛將移節江西有事湘鄂甚盛舉也然弟窃以爲戰爭非弭亂之方和平爲救國之策決勝疆原不如相見玉帛專執一是不如容納各方敢略布其愚幸裁擇之夫我國戰爭之禍亘十年矣其始之用兵誠有所不得已然主戰者並不能自信其主張甚且譁張爲幼立黃易位始則共同對敵繼乃互相爲戰九域騷然而國是終於不定即如今次之專各方內以討赤爲名然所謂赤化者其實際何如則亦游移而不能確指公產公妻之說人人能舉以加諸一方究無從得其實證蓋全國在戰爭狀態之下各自爲政取便一時既無法律以相繩復無中央之制馭人民之愁苦呻吟莫可赴愬比比皆然此勿論被以何種惡名亦不無幾分類似以此制敵敵有辭矣前者孚威在鄂弟曾

兼容并包乃可納之軌物否則地醜德齊誰能相下泯棼莫定國何以堪我公居高明之地位擊萬衆之觀瞻一搖手舉足影響皆及於國家果其振導祥和爲天下先實可以提撕各方同歸覺悟此如順風而呼聲非加急其勢疾也當民六首發大難之際舉國之所求者法耳而北方當局視法如仇往復百變憲法始定而西南各省又以對人之故不惟集矢於人轉而遷怒於法究之法何負於國家國家亦安能舍法以爲治法不定而徒然政治公團非遺棄室道謀之譏則開專斷獨裁之漸徵之往事莫不如此爲國家計久遠固不能不先立紀綱立於西南主張大體本於中山先生三民五權之說三民主義宏闊溥徧所含實多五權中之彈劾考試既爲歷史之精華亦切中今弊之時弊即民國會議亦非不可行之制雖憲典已定依合法手續修改參加並非綦難夫西南固以主義相維擊果度能容納其主義共圖適當之建設尙復何求國家本爲公器愛國亦人心所同既無感情愛憎之私亦非個人利害之見何者爲洪水猛獸何者爲玉律金科在昔帝

王創業尙復豁達大度並青並行曾爲中華民國而必孤行已見強人從我十年變亂此其主因若既已容納其主張以之實施於政治其人則同在一堂其事則安流順進猶復兵連禍結則曲在於彼不得已而以兵力周旋亦可告無罪於天下若謂以一戰之威即能掃紛亂之局竊恐戰爭愈多分裂益甚縱令勝算獨操未見其能澄清底定也今日時局正當過渡期間各方當局皆立於平等地位主張者無不贊令國中之嫌贊成者無不承風希昔之慮共泯閱牆之戰爭同爲國家之勳奮一轉移間國與民並受其福而我公之豐功偉烈較之戰勝克敵尤無量也時機難得稍縱即逝惟我公裁之

孫洪伊謹啟 九月十六日

十 關於天津中等以上學校教職員聯合會及教育會上各當局電文

(銜略)勳鑒憶自干戈相接絃誦盡停血戰四效心驚多士 列帥眷懷教育保護膠庠非不力戒驛騷嚴申紀律以冀青氈無恙白屋勝觀然稽查之耳目難周

卒伍之流品太雜恩縱期於下逮情或乘於上聞嚴肅空等於雷霆飄搖終感夫風雨忍無可忍言所當言獻芻蕘而已遞補桑榆其難緩羣比講座勃漫薰蒸

哲名編泥油污穢門窗可以施斧牀几可以當薪花木則攀折無餘物品則取携殆盡以負笈橫經之地作拋戈支竈之場當借用之時特權宜之計茲者任意踐

踏將來何以興修經營於數十年破壞於一二日見之慘目聞之痛心公產能有幾何浩劫竟羅斯極此關於學校駐軍之損失也軍興倏歷數月學款已欠年餘

驛場有瓦甕之輸屢序無斗升之潤精華祇有此輩挹注自屬大難然寒士賴於舌耕寒族方不腹負似此典空債禱泣對牛衣將乞東郭之祭餉莫覓南山之捷

徑自問何罪堪是奇災後願徒傷前途莫下加以留守校舍宜有員司墊付米鹽盡需阿堵囊指因而無及欲避債而無臺既不能忍以待時復不能委之遠去此

關於經費積欠之困窘也立國之本須養人才求學之時無多歲月欲萬人傑而千人俊者一日暴十日寒乃自事起金戈聲沉木鐸青年四散黃卷半拋或言

反天用園或寄居於戚友欲請業則人師難遇欲自修則學理難通空擲駒光莫
研蟻術思改途而一貫之虧可惜思轉校而各科之輟皆然父兄不易爲之謀師
友不能爲之助此關於學生失學之影響也往者已矣未來奈何事莫急於補牢
籌非^同於^借仁著茲擬有治標之法四治本之法二謹陳如左治標之法若何其一
一遷移駐軍古剎廢畧客棧官房足供魚麗之雲屯庸虞虎賁之露處務希早頒
明令剋限遠遷果無矛戟之環門自見標湘之插架其二曰撥修繕費壁塵院草
階圯檻摧既慮壞屋之傾頽兼虞時疫之傳染務希冀除有欸補葺有資庶望几
淨百室明免致廢崩而棟折其三曰按月發薪陳欠縱難驟補日用實宜預謀倘
仍枵腹以從公恐盡捫舌而輟講務希多方挹注設法措籌師生不生陳蔡之嗟
庶序自溥魯鄒之化其四曰定期開學離校之日雖久求學之意則殷前既慨夫
蓬飄今須使其萍聚務希急爲招集不堆潛修俾學子盡養爲真村自光陰不擲於
虛牝治本之法若何其一曰通令各軍永不佔住學校本爲擔^筆之槐^命會^異目^異列

戟之柳營若因一時之借居遂成各軍之習慣刻下雖軍聲稍戢將來或覆轍相尋徒思日就而月將難免朝作而夕輟務希永懸厲禁早沛德音則鶴鷺遠避夫詩書庶風鶴不驚夫筆硯其二曰籌備教育經費獨立紫陽固自安脫粟宣尼原不忘東修庫帑即蹶萬端學款實無幾許私立學校所以不廢者以有基金也教會學校所以能存者以無外累也若冀春風之坐須爲未雨之綢果積欸而子母相權俾發款而官師迴別郊原偶馳戎馬學校永積飛蚨惡歲不見於硯田多士自儲爲國器上列各事均屬要圖事不同於剜肉補瘡情已急於臨渴掘井葵傾意切芹獻心殷倘鑑羣生望日之誠克遂百年樹人之計此日布菁莪之澤他年成械樸之材不教罷業於半途曷禁銘思而百拜敢布心腹無任主臣天津中等以上教職員聯合會直隸省教育會天津中等以上學校聯合會直隸中等學校教職員聯合會同叩

十一 關於二十省區國民代表會議議員全體代電爲覆九江孫馨帥消除

戎禍採納輿情以國民會議解決一是文

各省區軍民長官各法團各報館暨全國父老昆弟均鑒頃覆九江孫馨帥一電文以奉讀復十三公使尊電語長心重令人欽感吾國頻年內亂或迷於武力統一之說或誤於擴充地盤之私遂使無辜蒼赤輕若鴻毛國際地位危如累卵言之扼腕思之寒心今求各方適電呼籲和平咸主張以國民會議解決一是揆之共和國家主權在民之旨與尊電所謂治本良箴若合符節惟是民會條例我曾派代表參與制定即閩浙蘇贛各省初選覆選亦均先後告成足徵民會產生久邀贊助嗣雖以戰事勃發中道稍停然果能消除戎禍採納輿情則補苴收拾即可觀成無須改轍易弦再生枝節夫民國十五年來之政治所以日陷糾紛者由於政局可以操縱民意而民意不能拘束政局乘時得勢則視若甯庸事過境遷則棄如敝屣馴至法令之公佈不時朝發而夕改機關之設備旋且昨是而今非若夫以勢力相結合者並無楚與漢之分隨風氣爲推移者不辭自埋自講之

請政潮澎湃戰禍蔓延半日於此我公領袖東南萬流仰鏡尤宜挽回積習貫澈初衷海宇蒼生實利賴之代表等來自田間夙無黨系既非假偽名義者所能利用亦非左右大計者所能轉移惟是心傷民瘼目擊時艱故敢不憚煩詞略盡職責冀庶政綱諸軌物當同心祝以馨香再冀芻言願聞鑒教等語用特電聞伏候明教直隸奉天吉林黑龍江山西陝西安徽四川貴州甘肅新疆綏遠察哈爾熱河內蒙前藏後藏青海西康華僑二十省區國民代表會議議員全體叩樣

十二 中華民國拒毒會反對北京公賣禁煙所電

全國各省區省議會縣議會商會教育會農會工會律師公會醫藥會青年會各教會各學校各公團各拒毒分會各報館暨全國人士均鑒本會根據本月九日上海市民拒毒大會之議決案爲反對北京設立公賣變相之禁煙所事於蒸日致北京顧總理電云

北京顧總理鈞鑒鴉片爲亡國滅種之毒物其貽害我同胞久爲國人所共見清

末爲禁煙故且不惜與英人宣戰年來煙禁廢弛各省軍閥紛紛強迫種煙包庇販賣猶幸中央政府尙能順從民意三令五申始終不忘法律之精神以保國家之體而蓋我國對於鴉片素主完全禁絕早經載明中英條約互相信守以至今日歷次禁煙大會對外亦屢有切實之表示鈞座前此代表我國出席日內氏禁煙大會亦主張完全禁絕對於各國施於殖民地華僑之鴉片公賣政策詆責不遺餘力凡屬國人景仰固深乃者東方社京電傳來鴉片公賣竟實現於中央政府所在之首都且行於鈞座就任總揆之後連日煙館登記者四百家煙槍登記八百枝惡訓所傳輿論譁然咸謂此舉將使禁煙法律破壞無餘國際信用掃地以盡各省軍閥比後更將橫行無忌而鈞座歷次對外之宣言亦咸歸於泡影我國鴉片從此永無禁絕之希望留爲外人嘲笑之責耳與念及此能不痛哭流涕說者或謂年來煙禁廢弛無法禁絕不如公然開賣提高價格嚴密管理實行寓禁爲徵之爲愈此說固是然當局既能作有系統之公賣何不移此實力以作有

系統之禁絕年來本會鑒毒害之猖狂覺責任之彌重特聯合國人努力民間之拒毒運動期助政府所不及而作外交之後盾迺爲擴大範圍集中實力起見特訂十月三月至九月爲全國拒毒運動週通告各地一致舉行拒毒運動響應者遍於全國乃國民拒毒運動正風發泉湧如火如荼中央政府正宜贊助之不遑不料竟放任首都先行開禁事之矛盾孰有甚於此者昨開市民拒毒大會羣憤激成謂在今日軍閥宰制下之北京無所謂法律更遑論外交然鈞座以外交界之爭斗主中樞之庶政爲國家體面計爲法律尊嚴計爲個人人格計對此破壞數十年煙禁之社政非即且下令取銷並追究作俑官員將何以對國人本會對於鈞座愛國救民之設施不但有深切之信任更有絕大之希望爰敢將市民公意宣達上問苟蒙採納施行本會敬當率領全國同志爲鈞座之後盾謹此布陳鵠候明示等語錄請台察萬望一致奮起反對公賣變相之禁煙所以維煙禁而清毒源中華國民拒毒會會長李登輝總幹事鍾可託元

照印中華國民拒毒會致淞滬兩埠督辦書

敬啟者鴉片害國日甚一日內釀餓饉戰爭之禍外啟列強窺伺之心不容鑒於情勢之急切覺責之彌重爰定本月三十日三十一日爲全國拒毒運動週通告全國各界同時舉行拒毒運動內以醒民衆之迷夢外以振國體之體維民國十八年之國際禁煙大會近有提早舉行之訊且有派員來華調查之議非金全國國民羣起對鴉片毒物存及除之運動視國體前途危殆至多與會及此不寒而慄上海爲中外通商之巨埠爲各國觀瞻之所益對於煙禁之舉實不但可以樹全國之標幟更且以提高國體之地位鈞所鑒察以來對於煙禁之舉不有切實嚴禁之表示凡滬市國民莫不引領以望候對之施行而次海道藥肆販賣大宗毒物致起國際爭端經鈞依法究辦時人莫不稱快惟上海地方遠近租界並立納污藏垢黑幕重重鴉片毒流之弊實有文規無之組織依外人爲護符恃軍警作保鏢年來入口日多銷售日廣即以江海關查獲之數觀之足見其內容之一斑

矣本年一月至三月查獲之嗎啡海羅因等毒物達八五三六兩四月至六月查獲者達四四一一兩五錢本年一月至三月搜獲之入口鴉片達一三四〇斤九兩四月至六月達三四九九斤五兩七月至九月達四三四六斤八兩一內波斯土大土佔二五〇七斤六兩）據熟識內幕情形者言之未經海關查獲之數至少在十倍以上無怪上海乃變成世界煙土毒物之大市場法租界土行林立煙鎗收稅已成公開之秘密公共租界旅館人家多有吸食鴉片之事各弄室常聞高呼收買龍頭渣之聲浪可見燕子窠仍隨處皆是南市情形如何雖人言言殊然南市之爲煙土轉運之中心點營業之大本營則爲社會公認之事實良以煙土毒物入口如是多非正本清源無禁絕之可能同人等鑒毒氣之迷漫悲國事之日非爰根據市民公意提出下列請求尙望採納施行是所盼禱

- 一 由督辦公署委派地方公正人士若干人組成禁煙委員會從事調查

鴉片毒物販運吸食情形研究禁絕計劃提交鈞座採擇嚴禁

- 二 此項委員會需加入公共租界法租界公正市民各一人此外更加入公共租界工部局法租界工部局代表各一人江海關代表一人
- 三 此項委員會釐定之禁煙計劃公共租界法租界均應採擇施行一致辦理私運私賣鴉片毒物入口之外人依照中國法律辦理
- 四 上海市上流行之戒煙丸藥應由委員會調查種類化驗成分釐定規例不合法者從嚴取締
- 五 司法機關收人之禁煙罰款外並指撥的款充辦戒煙事業之經費
- 一方面調查煙民先行註冊分期強迫戒絕
- 六 將外人私運私賣鴉片毒物入口推銷情形公佈並提交國際禁煙大會以求世人公道之裁判

以上各項請求業經十月九日上海市民拒毒大會全體通過附此聲明此致

遼 遼 商 埠 督辦 孫 總辦 丁

中華國民拒毒會

會長 李登輝 同上
總幹事 金可記

十三 四川省議會代電為英兵艦在嘉縣炮擊縣城案尙希一致抗爭文

各省軍長政各長官省議會省教育農工商各會各學生會各報館本省軍民政

各長官各會各長官各道尹各軍官農工商教育各會各縣議參會各機關

各機關各團體各會各道尹各軍官農工商教育各會各縣議參會各機關

會於五月十八日開茶話會議感英兵艦炮擊縣城案請各省立飭外交

陽地方並飭英兵艦又復在嘉縣炮擊縣城會經本會議定咨請各省立飭外交

當局查明實情嚴重抗議在案現據萬縣各機關法團等遞致書英人竟將軍

艦多艘駛進萬縣南津街陳家壩一帶及城內施放大砲肆意攻擊延燒民房

二千餘家傷軍民數百度視人道遠致公法是眞象業已昭晰應再咨請省署

迅飭外交當局嚴密督察因核情形及萬民受害程度分別列為條件呈請重交

涉務期賠償懸兇諸款得有圓滿解決而後已如彼仍恃強不理凡以前中英兩國締結各種條約關於全川人民應負之義務施行宜告廢止以爲相當之對付庶足以警頑強而激衆憤等語經衆討論列席議員一致贊成相應資請 貴公署煩爲查照辦理等語事關國際交涉存亡所繫特此奉聞尙希一致抗爭無任盼禱四川省議會叩漾

十四 駐日本公使汪榮寶擬請軍事當局商訂休戰條件召開國民會議電各省軍民長官省議會教育會商會其他法定團體及全國父老均鑒中國連年內証人民怨恨世界嘲笑始已不成國家近則南北同時爆發全國無復寧宇八九月以來長江各地時與外人發生衝突前途危險豈堪逆睹夫政權競爭何國蔑有進退更迭自有常軌正不必訴諸兵火殺人以逞况國號民主凡有政見皆可從容商榷取決多數更不當排斥異己返於專制聞今南北用兵者皆以徹底解決爲詞然管見所及則今日大事無論何方均不能以獨力掃蕩羣敵縱橫離

合祇益糾紛且即倖勝一時而此仆彼興循環靡已縱免列強共管之禍亦有舉國破產之憂公等勇智過人熟審世變當知共和非混戰所能成天下非一黨所得擅武力統一四字能見於六朝五季羣英雄割據之未決不能行於二十四紀人智發達之時同人等往返電商以爲此時救國之策惟有召集國民會議解決一切最爲合理擬請兩方軍事當局捐棄成見商訂休戰條件即時實行一面通電各省派遣代表公定國民會議組織法於適當地點召集開會選舉大總統並仿照現在法蘭西博安加勒內閣成例聯合各派巨子組織舉國一致之政府確定全憲法國信守此後有志政權者止能組織政黨公開運動決不得以武力爲後援至現在統兵大員職在振軍經武不得加入政爭儻欲轉入政界必先解除兵柄如日本政友會總裁田中大將之例務使軍閥政黨截然異途各不相犯如是則民聽一新各國敬服一切不平等條約不廢自廢否則兵聯禍結不知所終國無政府安有對外交涉可辦宜將駐外各使一律撤廢以免尸素海外重取侮辱

危懼所迫無暇擇言乞垂清聽兼佇明教汪榮寶王廣圻陳銜夏詒憲魏宸組劉崇傑陸徵祥蕭耀榮不肖榮良朱兆莘王景岐諸忠諫曹宗鑾陳維城同叩二日再駐美施公使正在赴歐途中無從接濟是以未經列名合併聲明

十五 關於駐日公使汪榮寶爲關於駐日使館舊址交換事件聲明書

近來日本政府關於東京市復興計畫擬乘此次震後之後將全市街巷大加改正其最重要之點即以永田町新築兩議院爲中心而將所有行政各官衙全數移置於其附近一帶道路加廣壁壘一新以爲滙集政治勢力之要地凡在此範圍以內官私地畝有妨碍此計畫者勢不得不設法收用雖首相官邸亦因緊迫議院在應行退讓之列中國公使館與首相官邸比鄰正當新築議院之西中間隔一不甚寬廣之路又比利時大使館在新築議院之東照日本政府計畫兩館皆有全部遷移之必要此外意大利俄羅斯兩大使館雖距離較遠亦須割讓一部此種消息傳播接此利時大使拔遜彼埃首先就中國公使交換意見彼此斟

酌以爲日本政府此種改造都市集中政治機關之大舉吾人無根本反對之理。如果外務省以好意來商祇須所商條件於吾人所代表國家之權利無所損害或更有利益時自不能拒絕交涉。中國駐日使館於大震災時完全燒失鄙人到任後修葺板屋數間爲臨時事務所僅資辦公此外一片荒蕪無力興築兩年以來疊經設計估價請求主管部提出閣議撥款修復政府以費無所出始終置之不理。中國官紳來游東京者覩此廣大館址沉沒荒煙蔓草之中無不觸目傷心引爲恨事。茲日本政府既爲自己行政上之便利計請求覘地交換則所有條件自當於中國方面較有利益方能成議。中國若得乘此機會不費多金將使館再造豈非有益無損之事。未幾日本外務省果電邀鄙人親至該省亞細亞局一談。局長木村銳市氏表示此意後鄙人即提出意見如左：

- 一 交換地之地段須在市內中心交通便利之處與永田町不相上下
- 二 該地面積須與現在使館總坪數大略相同

三 該地上如有原建築物認爲尙可利用者須從廉估價售與中國

四 地段或坪數少有欠缺時須照時價秉公估計給與中國政府補償金又即使地段坪數均無欠缺而此項交換純由日本方面提議故中國方面應有要求遷移費之權

五 中國使館在永田町原有之永租權須隨同移轉繼續存在

六 日本政府如允許比國大使館他項優異條件時中國公使館願比照辦理

以上各節如日本政府允許照辦時鄙人可將此事報告政府請示辦理當經木村局長將上述各節摘要記出並無何等異議且謂如覓得相當地址不妨前往一觀以供參攷經此次晤談後一面令館員編造報告豫備咨部請示一面令秘書江洪杰將使館全址覆加丈量以便將來談判有所根據鄙人自信辦理此事毫無可以指摘之點乃未幾得京友電報謂在京舊國會議員通電指斥駐日館

員盜賣館址等語實深駭異於是及再用文書報告即於八月四日電致外交部將日本改正市區收用新築兩議院附近土地之計劃華比兩館均在其內及外務省請求覓地交換尙無頭緒各節切實說明請將議員通電所稱館員盜賣館址之謠言從速更正並詢問外交部對於交換問題意見如何進行見復以憑辦理正當靜候部覆之際復得木村局長電話云請惠臨亞細亞局有事商議旋據出示各種關係華比兩館遷移事件之文卷並據說明現擬以前奧匈帝國大使館與比利時大使館交換而以故德川賴倫公幾府地址與中國公使館地址交換中國使館地址分上中下三段總計三千二百七十餘坪內有傾斜地即上段與下段分界之壓壁約四百餘坪德川公府地址純屬平面計二千八百坪兩相比較除壓壁不可利用外彼此坪數所差無幾而一則高下數層一則連接一片孰爲合用不難想見又該府地址在飯倉片町當麻布區之中心交通極便與永田町不相上下又十二年大地震各區皆殘破而麻布區獨完故該府建築物

亦未遭損毀茲日本政府除以該府地庫與本館地址交換外願再出價約日金三十萬圓作爲補償相差地價本館公私板屋建築費及將來遷移之費其德川公府洋房一座於大正六年竣工當時實費日金六十餘萬元如認爲可用時可與房主德川氏竭力磋商從廉估價售與中國官署約定於八月九日午前九時前往查看屆時本館派員長帶同大藏省管轄部長及該地領事官與中國領館陪同鄙人親往該處閱覽外其餘洋式住房一座及極宏大樓房建築費約六百六十萬圓舊公館修繕多一百餘坪而屋宇建築如港折衷則修繕費約四百萬圓最佳公館本館之上列積蓄頗復民法固守之云云頂替權不在此外林據隨從人員稱此項工程設計變失實者信不可比據一切經費均由本館承辦均屬官營法則重新古蹟陰森池水優麗經十二日九月六日於東京公署並錄損毀情形雖聞有裂痕廊巷地板亦有傾側之處補葺正備不甚難復原修費借與政府後見親王在爲王府自親王逝世王妃他徙此屋局勢未大無人能料故

至今尙在空閑若以此見現在中國公使館及將來大使館之用洵屬冠冕堂皇
察看完畢當向木村局長聲明此項建築物鄙人認爲深可利用惟須請示政府
將原則確定後方能商及細目等語當日即將詳細情形用快郵代電報告外交
部並以事關變更使館地點及交換國有財產公使未便專斷請外交部特派參
事司長等大員來東會同辦理此時中國登載此項謠言之各報陸續寄列將見
所謂議員諸君之艷電乃知彼等所據者爲某君之東京通信而此通信中所認
爲中國使館出賣之憑證者凡有三點一日本報紙載該處地圖將中國公使館
字樣削去列爲圖書館地址二報紙又載十六年度預算案有收買支那公使館
地址一項三該通信員因事至使館見秘書江洪杰親執器械向各處丈量面積
夫江密書之側量館址係受公使命令辦理其理由業於上文釋明無庸贅述至
報載地圖及預算案乃是日本政府自依其預定計畫而作故各報發表之該部
分地圖不獨削去中國公使館五字而已彼比利時大使館字樣亦同時削去也

十六年度預算案不獨有收買支那公使館一項而已更有收買白耳義（日人稱比利時爲白耳義）大使館等項同時並列也該通信員於事實真相並未細心考察節取日紙一二段以作攻擊之資料用意所在不得而知而議員王猷等百餘人未嘗一加審查遂以此種無責任之投函認爲極確實之記事飛書馳檄聲罪致討愛國熱誠溢於楮墨當時館員諸君見之不勝憤懣擬議覆電將爲反唇之稽鄙意是非曲直一辨即明無須詞費故僅將此事經過情形函寄京滬各報分別更正乃十一日接外交部九日電內開四日電業經閣議傳觀公決請貴館將謠傳售地情形詳實報告特達盼速復等因查此項謠傳之由來四日電早經說明既知其爲謠傳矣更有何種情形可以報告以業經報告之事實更責以詳實爲之是明示前報告爲不詳不實而含有不信任之意味者也於是一面電復外交部請將此案移北京交涉以免誤解一面訪問木村局長語以此事窒礙甚多鄙人無法進行如日本政府尙欲繼續交涉可移北京辦理當據木村氏答

稱交涉原則在北京商定本無不可惟詳細節目似不能不在此間協議華紙謠傳各節外務省亦有所聞惟既經貴公使更正此後當無問題等語旋據聲稱上次察看之德川公府落成於大正六年當時用款約日金六十餘萬圓若以今日物價工資計之此種建築非百萬圓以上不辦茲日本政府對於中國公使館特別表示好意擬令德川氏讓價至二十五萬元且該府曾作東伏見親王邸以之改爲中國使館尤足表示日本方面尊重中國使節之誠意等語當經答以尊意極爲可佩惟永貸借權一節貴局長曾謂毫無問題然就日本法律論之或恐不無窒碍彼謂使館向有特別待遇此事政府可擔任於法律上作特別解釋或另提法案作爲例外要之決不於中國政府之既得權稍有損害鄙人因卽爲更進一步之提議謂第一回商議時曾經聲明日本政府如允許比利時大使館何等優異條件時中國公使館願比照辦理茲悉貴政府將舊奧匈大使館與比利時大使館交換允給與比利時土地所有權鄙人亦希望一律辦理彼謂此爲國際

上互惠條件比國許日本人在比國領土內享有土地所有權故日本亦以此相報中國尙無許給日本人土地所有權之例故日本須鄭重考慮等語又經答稱美國大使館新得土地所有權而美國各州尙未一律給日本同一權利何妨援持美國之例以待華木村允再考量並未拒絕鄙人即將以上商議情形於八月十三日屬快郵代電詳細報部二十一日得十九日部電仍竭力反對謂商承總揆表示決難贊同復經本部詳加討論亦以爲此時此事萬不可行云云鄙人不解所謂但政府既不願交換駐使自無堅持之理當即電覆外交部聲明此項交涉遵命絕對不再與聞嗣後外交部更無來電駐日使館亦更無與外務省續議此案之事惟鄙見所及此次日本政府所提出之交換條件不爲不公平鄙人之辦理此案亦毫無不合理之處且事非專涉中國一國彼比利時義大利俄羅斯各有類似之交涉三國已先後承諾而中國獨偏聽一紙責任之通信乃至以勾串盜賣疑其代表全國之公使且疑及公使所監督之全體館員所謂議員者如

此所謂外交部者如此所謂國務總理者亦如此仁者見仁智者見智原可存而不論惟事件真相不可不詳悉剖白以釋羣疑用特聲明如右即希公鑒

(甲)奉天省議會議長議員年歲籍貫表

議 員	議 員	議 員	議 員	議 員	議 員	議 員	議 員	副 議 長	議 長
張	馬	許	蔣	胡	劉	丁	劉	馮	范
成	步	春	桂	錦	百	春	慶	景	先
箕	雲	灝	芬	波	泉	和	文	異	炬
星	漢	鏡	壽	筱	升	桂	華	子	朗
南	章	泉	之	璦	九	清	國	敬	青
五	四	五	五	五	六	六	六	四	四
十	十	十	十	十	十	十	十	十	十
一	八	六	六	八	十	一	七	九	五
遼	錦	遼	鐵	盤	新	遼	遼	瀋	海
陽	縣	陽	嶺	山	民	陽	陽	陽	城

議 員 康 季 封 民 四 十 七 關 原	議 員 李 程 九 多 三 四 十 八 海 城	議 員 張 鑫 源 穆 棠 四 十 八 復 縣	議 員 劉 啟 庚 曜 樞 四 十 八 昌 圖	議 員 田 萬 生 雨 辰 四 十 九 黑 山	議 員 孫 奉 璋 奉 璋 四 十 九 興 京	議 員 顧 天 泰 樂 民 五 十 海 城	議 員 楊 在 中 雲 峯 五 十 錦 縣	議 員 姜 文 甲 鼎 忱 五 十 瀋 陽	議 員 徐 續 生 適 文 五 十 一 金 縣
---	--	--	--	--	--	---	---	---	--

議 員 高 鳳 文 會 岐 四 十 四 綏 中	議 員 石 寶 山 蘊 輝 四 十 二 新 民	議 員 馮 廣 民 子 安 四 十 五 鐵 嶺	議 員 孟 慶 璋 仲 文 四 十 五 梨 樹	議 員 江 蘊 深 溶 亭 四 十 五 東 豐	議 員 徐 維 淮 應 宸 四 十 六 西 豐	議 員 于 長 福 錫 五 四 十 六 金 縣	議 員 彭 海 樓 鶴 亭 四 十 七 法 庫	議 員 苑 青 海 袖 東 四 十 七 本 溪	議 員 李 瀚 青 子 雲 四 十 七 寬 甸
--	--	--	--	--	--	--	--	--	--

議長	吳連科	慶三	四十四	四海龍
議員	李鳳陽	維青	四十三	通化
議員	譚桂榮	玉亭	四十三	莊河
議員	康德峻	宜三	四十三	鳳城
議員	任毓濶	溫璞	四十三	瀋陽
議員	曲江春	午南	四十二	輯安
議員	李光前	向榮	四十二	海城
議員	張正清	正清	四十一	錦縣
議員	王化周	子楨	四十一	桓仁
議員	周時中	子君	四十一	莊河

議	議	議	議	議	議	議	議	議	議
員	員	員	員	員	員	員	員	員	員
黃	黃	宋	張	張	謝	陳	習	黃	黃
璠	璠	樹	國	國	雲	宗	文	文	文
不	不	元	棟	棟	年	胡	華	華	華
顯	顯	海	輔	輔	峯	恪	質	質	質
不	不	開	廷	廷	亭	三	誠	誠	誠
顯	顯	三	三	三	三	三	四	四	四
三	三	十	十	十	十	十	十	十	十
十	十	八	八	八	九	九	康	康	康
七	七	昌	遠	遠	復	洮	平	平	平
蓋	蓋	關	中	中	縣	南	縣	縣	縣
平	平	縣	縣	縣	縣	縣	縣	縣	縣

奉天縣議會報告書 議長許長昇先生履歷表

議 員 邢 天 祿 壯 觀 三 十 四 蓋 平	議 員 孔 昭 懿 子 範 三 十 四 安 東	議 員 胡 國 玉 堯 章 三 十 四 西 安	議 員 李 毓 增 鍾 山 三 十 四 西 安	議 員 張 尊 五 裕 民 三 十 五 義 縣	議 員 趙 雨 時 雨 時 三 十 六 興 城	議 員 尹 永 祥 瑞 符 三 十 七 柳 河	議 員 陳 蔭 翹 楚 珊 三 十 七 遼 中	議 員 佟 延 勛 式 忱 三 十 七 撫 順	議 員 遲 慶 春 煦 東 三 十 七 蓋 平
--	--	--	--	--	--	--	--	--	--

議	員	楊	慶	貴	致	和	三	十	四	瀋	陽
議	員	羅	惠	秀	川	三	十	三	瀋	陽	
議	員	谷	峪	山	松	三	十	三	懷	德	
議	員	王	悅	安	作	三	十	二	海	龍	
議	員	楊	鴻	序	季	三	十	二	海	城	
議	員	陳	蘭	豐	伯	三	十	鐵	嶺		

奉天省議會報告書

議長議員姓名年歲籍貫表

(乙) 議員職務表

審議長		財	政	股	法	律	股	政	事	股
徐續生	徐維淮	張孝友	楊慶貴	李毓增	宋樹元	羅惠	帝秀良	馮廣民	任毓潤	
	李光前	張成箕	丁春和	張尊五	馬步雲	王化潤	許春融			
	陳蔭翹	顧天泰	李程九	趙雨時	楊在中	楊湖序	徐英勳			
	彭海樓	李程九	張正清	譚桂榮	陳不顯	周時中	康德峻			
	高鳳文	劉啟庚		田鍾芳		石寶山				
	胡國玉	江蘊深	孟慶璋	尹永祥		張國棟				
	遲慶春	谷峪山		于長福		吳連料				

請 願 股	懲 罰 股
<p>李鳳陽苑青海姜文甲</p>	<p>劉百泉田萬生康季封</p>
<p>王悅安劉慶文</p>	<p>曲江春李瀚青</p>
<p>邢天祿孔昭懿</p>	<p>蔣桂芬謝雲年</p>
<p>張鑫源</p>	<p>董毓基</p>
<p>孫奉璋</p>	<p>習文華</p>
<p>胡錦波</p>	
<p>陳宗胡</p>	

(丙) 各班常駐委員姓名表

張	張	張	王	楊	王	周	張	張	第一班委員姓名
尊	江	化	續	慶	悅	時	孝	尊	
五	春	周	生	貴	安	中	友	五	第二班委員姓名
馮	徐	康	高	胡	李	劉	苑	馮	
廣	維	季	鳳	國	瀚	百	清	廣	
民	淮	封	文	玉	青	泉	海	民	第三班委員姓名
陳	張	李	宋	李	楊	楊	趙	陳	
丕	正	鳳	樹	程	在	鴻	雨	丕	
顯	清	陽	元	九	中	序	時	顯	
	羅	曲	王	徐	楊	王	張	張	
	寶	江	化	續	慶	悅	孝	尊	
	山	春	周	生	貴	安	友	五	
	謝	徐	康	高	胡	李	苑	馮	
	雲	維	季	鳳	國	瀚	清	廣	
	年	淮	封	文	玉	青	海	民	
	邢	張	李	宋	李	楊	趙	陳	
	天	正	鳳	樹	程	在	雨	丕	
	祿	清	陽	元	九	中	時	顯	

胡許尹于劉張康田張顧江

錦春永長慶成德萬國天蘊

波瀾祥福文箕峻生棟秦琛

田李季孫吳彭陳佟陳蔣

鍾光毓奉連海宗延瀾秀桂

芳前增璋科樓胡勁澧良芬

習任張谷進譚孔丁劉馬姜孟

文毓鑫峪慶龍昭泰啟步文慶

華潤源山春榮懿和康雲甲璋

(丁) 秘書廳職員一覽表

職別	姓名	名次	年章	年歲	籍貫
秘書長	侯治平	正	修	四十六歲	海城縣
文牘課秘書	孫振甲	致	一	三十四歲	海城縣
議事課秘書	馬書元	凌	沓	三十歲	瀋陽縣
會計課主任	馮國忠	變	忱	三十歲	鐵嶺縣
庶務課主任	王相哲	世	傑	三十一歲	海城縣
速記主任	德稜	額達	三	三十八歲	瀋陽縣
一等速記員	沈權中	權	中	二十八歲	蓋平縣
二等	穆達民	蘊	華	三十八歲	錦縣
	楊爲山	進	之	三十五歲	瀋陽縣

司事	高榮椿	愷軒	三十八歲	瀋陽縣
副司事	秦守銘	執箴	三十一歲	遼陽縣
一等僱員	唐國治	叔平	二十四歲	海城縣
	郭福景	介甫	二十四歲	蓋平縣
二等僱員	王文治	憲章	二十四歲	鐵嶺縣
	劉殿賢	達三	二十七歲	瀋陽縣
三等僱員	舒浹辰	錫三	三十四歲	瀋陽縣
	鄭安濱	星橋	二十四歲	瀋陽縣
	傅良璞	荆山	二十八歲	海城縣
	劉文會	友三	三十五歲	海城縣

